

# *KU RINGETA KU ENDLA NTIRHO WA XIKWEMBU KU NGA RI HI KU RHANDZA KA XIKWEMBU*



A hi yimiseni xisweswi xinkadyana loko ha ha khongela.  
A hi korhamiseni tinhloko ta hina.

Hosi, hi tsakile emixweni lowu kuva hi tlhele hi vuya endlwini ya Xikwembu, eka ntirho wun'wana wa xikhongelo. Kutani ha khongela, Xikwembu, leswaku U ta hi lulamisa mixo lowu eka swihoxo swa hina hinkwaswo. Hi kombe ndlela leyi U nga hi hlawulela yona leswaku hi ta famba ha yona. U tlhela u hi nyika tintswalo ta Wena ni rirhandzu, leswaku hi nga ha landzelela tindlela leti ni swiletelo hi timbilu ta hina hinkwato, leswaku hi nga ha kumeka, hi siku lero, eka Kreste, hi nga ri na swisolo, hikuva ha pfumela, Hosi, leswaku ku vonakala ka Yena ku kusuhi.

<sup>2</sup> Ha tivona tisayini leti A nge teri ti ta teka ndhawu ntsena ku nga se fika ku Vuya ka Yena, sweswi ti hetisekile. Kutani hi ntsako hi langutele xinkadyana xexo. Tani hi Abraham wa khale a nga langutela n'wana wa xitshembiso, ni ku vona tisayini leti to hetelela ta Xikwembu ti xikelaka ehansi emisaveni, kutani a swi tiva leswaku a swi nga ha ta teka nkarhi n'wana a nge se fika. Kutani ha swivona swa vuyelela nakambe. Yesu u hi byerile leswaku, “Loko swilo leswi swi sungula ku humelela,” a hi tlakuseni tinhloko ta hina, hi leswaku ku kutsuriwa ka—ka hina ku tshinerile, “ku soha-soha ka nkarhi, ku tshikeleleka exikarhi ka matiko, ku ninginika ka misava eka tindhawu ta tinxakaxaka, ku dumaduma ka lwandle, timbilu ta vanhu ta hluleka hi ku chava.”

<sup>3</sup> Ha swi tekela enhlokweni leswaku hi le ka awara ya leyo, laha matiko ya nga switiveku leswaku ya nga endla yini. Laha nyimpi yin'wana yi taka, swi ti kombisaka xiswona. Wu tava wuri nchumu wo chavisa njhani! Misava ya avana, van'watisayense va vula leswaku swin'wana swo chavisa swi le kusuhi. Ha yi vona Biblele loko yi vulavula ha leswi. Swingaleswi, Hosi, hi pfune namuntlha ku yima endlwini ya ndzulamiso, ni kuva hi teka swileriso leswi swi humaka eka Xikwembu, leswaku hi ya emahlweni eka awara leyi ya munyama, ku ta voningisa Rivoni, hikuva wu nga hava wu ri nkateko wo hetelela wa hina wo endla tano. Kutani ha swikombela hi Vito ra Yesu ni hikokwalaho ka Yena. Amen.

Mi nga tshamisa.

<sup>4</sup> Hakunene-nene ndza wu pfumela nkateko lowu, wa kuva kwalahawani tabernakeleni mixo lowu. Kutani hi khomeleni kuva hi pfumala ndhawu yo tshama eka yona, hinkwako, ya n'wina. Kutani ndhawu yi tele hinkwayo, ni lava va nga yima kunene ehandle hinkwako.

N'wina vanhu lava mi nge ehandle sweswi, mi nga ha swi twa leswi eka xiya-ni-moya. Ndzi rivele...[Un'wana a ku, "Makume ntlhanu-ntlhanu ku fika eka makume ntlhanu-nkombo."—Muhleri.] Makume ntlhanu-ntlhanu ku fika eka makume ntlhanu-nkombo. N'wina vanhu lava mi nga ehandle, ni laha ku pakiwaka kona, nile switarateni, mi nga switwa leswi eka swiya-ni-moya swa n'wina, exikarhi ka makume ntlhanu-ntlhanu na makume ntlhanu-nkombo eka xitichi xa xiya-ni-moya xa n'wina. Swingaleswi hi ringetile...

<sup>5</sup> Ndzi ta vuya, kumbexani, kwalahawani, ku ta ringeta kuva ni nhlengeletano ya khume ra masiku, hi ta vulavula hi dyondzo ya *Swimbitana Swa Nkombo Swo Hetelela*. Hikuva, exikarhi ka Swimbitana leswi ku ni Tinanga. Nakona a ndza ha ri eku mi byeleni hi ta...loko ndzi ya eku chumayeleni hi Tinanga ta Nkombo, leti ndzi nga ta tinghenisa na Swimbitana ni Makhombo. Kutani ndzi pfumela leswaku ku tava kuri nkarhi wa kahle. Ntsena ndzi tlhelela eArika, nakona—nakona vana va hava laha va nga yaka kona.

Xijahetana xa mina, Joseph, u—u lava ku famba nyana swi ntsongo...u lava mavhiki mantsongo nyana yo dyondza eka ku hlaya ka yena. U pasile, swi kahle, kambe a nga pasangi hi ku hetiseka. Swingaleswi hi n'wi hlayisa eTucson, swingaleswi, loko ndza ha ri eAfrika, kutani a ya emahlweni niku hlaya niku swi khoma, ni xikolo xin'wana xa siku rin'we.

Kutani hi tlhela hi vuya. Hiloko ndzi ehleketa, loko vana va ha endzela, ndzi tava na nhlengeletano yintsongo lahawani na vanhu, niku chumayela hi tidyondzo leti. Kambe loko hi fika kwalahawani, hi kume leswaku a hi nge swikoti ku kuma odithoriamu ya xikolo.

<sup>6</sup> Nakona ndza switwa leswaku tabernakele a yi ringanelanga ku tshama vanhu, ni kuva endla leswaku va twa va tshamisekile hi ndlela leyi va nga vaka xiswona loko va...loko ndzi ri na Hungu leri, swingaleswi hi fanele ku—ku endla vululamiselu byin'wana lebyi hambaneke. Nakona ematshan'wini ya kuva hi—hi va na vusiku bya khume lebyi hi kunguhatelaka kuva na byona, kunene, ntsena ndzi byi endlile byi va swikhongelo swimbirhi swa Sonto; Sonto lowu, ni Sonto lowu wu landzelaka, ni Sonto lowu hi yaka eka wona, swikhongelo swimbirhi. Swingaleswi, kutani a hi kalanga hi swinavetisa.

Kutani, swingaleswi, loko kuri ni un'wana loyi a nga twa hi ndlela yin'wana leswaku tinhlengeletano ti ya sungula hi makume mbirhi-nhungu, eka odithoriyamu ya xikolo, loko Xikwembu xi swi pfumelela, kunene, loko miri ni vanghana nakona mi ri ni tindhawu eka timotela, ndzi—ndzi ta—yi herisa, wa vona, hikuva sweswo—sweswo va, a hi nge swikoti leswaku hi va niku kanganyisa eka swona. A va nge swikoti ku—ku kuma ti odithoriyamu ta xikolo.

<sup>7</sup> Kutani sweswi ndzi lava ku vulavula, eka xikhongelo xa vuevhangeli ntsena hi Sonto ni mixo. Kutani hi vusiku bya Sonto ndzi lava ku va na xikhongelo xa vavabyi. Nakona ha tshembha leswaku Xikwembu xi ta hlangana na n'wina vanhu lava mi vabyaka. A ndzi switivi hilaha Billy a nga ta mi hlayisa ha kona; ndzi fanele, ku phakela makhadi ya xikhongelo, kumbe hi ndlela yin'wana, hi tindlela to lawula nhlengeletano. Kambe hi ta endla hilaha hi nga ta kota ha kona kuva hi khongelela munhu un'wana na un'wana eka mavhiki manharhu lawa ya taka lawa hi lavaka kuva na swikhongelo, loko hi leswaku ku tava kuri ku rhandza ka Hosi.

<sup>8</sup> Kutani minkarhi yo tala ku ni minkonaniso ya ximunhu, un'wana ntsena a lavaka ku ku vona xinkadyana eka swin'wana kumbe swin'wana swo kotisa sweswo. Nakona hi ya eka...I vangani lahawani lava va lavaka nkonaniso wa ximunhu, a hi voneni mavoko ya n'wina. Whaa! I mani a nga swi laveki? Swingaleswi hi ta...

<sup>9</sup> Swi hi maendlelo yo tika yo va kuma, swingaleswi tsalani swikombelo swa n'wina kutani mi swi rhumela, mi swi yisa eka Billy, kutani ndzi nga ha swikuma kwalahaya. Kutani, sweswi, u ta tivisa ha swona, ndza pfumela, makhadi ya xikhongelo, masiku hinkwawo loko ya ta fanela ku phakiwa.

<sup>10</sup> I va ministara vangani va hina lava va nga lahaya lahawani mixo lowu? A hi vanga na nkarhi wo, a ndzi pfumeli...Mi kale mi va tekela enhlokweni un'wana na un'wana wa vona? I vaministara vangani lava va nga lahawani mixo lowu, mi nga yimisa mavoko ya n'wina? Kumbe, mi yima kunene. A hi voneni leswaku i vaministara vangani lava va nga eka nhlengeletano mixo lowu. Kunene, swi kahle! Hi khensa Hosi hi yavanuna lava. Loko a hi ri na nkarhi wo tiva un'wana na un'wana wa vona, kambe ndzi ni ntiyiso wa leswaku ma va vona. Kutani hi...Xikwembu xa va tiva eka swikhongelo swa vona, kutani ha khongela leswaku Xikwembu xi va katekisa swinene. Kutani, a swi kakananisi, leswaku votala va vona va pfarile swikhongelo swa vona, leswaku va va lahawani. Makwerhu Junior Jackson na, ndza pfumela, Makwerhu Don Ruddell, nakona kwalahaya vuhaxi lebyi byi ya etikerekeni ta vona. Kutani swingaleswi, nakambe, ehenhla eNew York

nile ka tindhawu tin'wana ku rhendzeleka hi tiko, leswi swile ka riqingho ra xihundla leri ri yaka eka kereke yin'wana na yin'wana mixo lowu.

<sup>11</sup> Ndzi tsakile ku vona Makwerhu Richard Blair loko a tshamile lahawani. Ntsena ndzi hlayile papila ra nchumu lowukulu lowu Xikwembu xi nga wu endla exikarhini ka vanhu kwalahaya. Siku rin'wana, tani hilaha ndzi swi twisisaka ha kona. . . Ndzi nga hava ndzi hoxile, Makwerhu Blair; loko ndzi ri tano, ndzi lulamise. A ri eku tirheni, a ri karhi a pfuna wanuna loyi a vekela tikhebulu eka threyilara kumbe xin'wana, ndzi pfumela leswaku a ku ri yona. Ndzi hlayile papila. Kutani va tlhelerisele swin'wana endzhaku, kutani, hambi swi ri tano, yi fambisile gezi ku ya ematini laha a kuri na xijahetana, un'wana. . . wa—wa wanuna loyi threyilara a yiri ya yena, xijahetana xa yena, ntsena xindzumulwana, kutani yi dlayile xijahetani. Kutani khwirhi ra xona ri pfimba. Ha swi tiva ku chokiwa hi gezi, leswaku, loko va fa, sweswo hi leswi swi humelelaka. Swimahlwana swa xona swi nyumpela; meno ya xona ya khomana.

<sup>12</sup> Swi endlile leswaku vamakwerhu va tlhava mukhosi swinene. Makwerhu Blair u teri u ehleketile leswaku a nga ndzi kuma kun'wana, leswaku ndzi ta xi khongelela, kambe a tsundzuka leswaku, “Laha vambirhi kumbe vanharhu va nga hlengeletana kona hi Vito ra Mina, kwalahaya Ndzi tava exikarhi ka vona.” Kutani tata wa xona u ringetile ku nghenisa tintiho ta yena ku ringeta ku nghenisa tintiho ta yena enon'weni wa xijahetana, ku wu pfula. Kutani va khizamile ehansi va sungula ku khongelela xijahetana, hiloko xi tlhela xi hanya nakambe.

<sup>13</sup> Xana a kuri ntiyiso walowo, Makwerhu Blair? Un'wana wa vamakwerhu vo tshembheka lahawani. Oho, xijahetana xikona kwalahawani. Kunene, a ku khensiwe Hosi. Swi kahle sweswo. Hi ta tsakela leswaku u yima, sonny boy. Sweswi, hi khensa Hosi leyi yi rhandzekaka eka leswi. Yaloye i tatana wa xijahetana? U tatana wa xona xana? Hi swona. Kutani lahawani kuni Makwerhu Richard Blair. Xikwembu xa hina xa swikota ku endla xin'wana na xin'wana. Ina, nkulukumba. Xi swi tshembhisile. Hi hanya eVukoneni bya Vukwembu lebyikulu, lebyi kwetsimaka, Tatana wa le Matilweni. Nakona swilo hinkwaswo leswi hi. . .swa endleka loko ntsena hi nga swi pfumela.

<sup>14</sup> Maswivona leswi swi swi endlaka sweswo, i yini lexi xi hakeleke eka vutomi bya wanuna ya loye leswaku a pfumela eka sweswo xana? U ponisile xijahetana xa yena. Sweswi, Xikwembu xi ni malandza ya xona yo tshembheka lahaya, ku. . . Makwerhu Blair na vona, ku khongelela xijahetana loko xa ha ri eka xiyimo xexo. Ina, loko swin'wana swi humelela, tsundzukani, leswaku mi vana va Xikwembu lexi xi hanyaka.

“Laha vambirhi kumbe vanharhu va nga hlangana kona hi Vito ra Mina, Ndzi tava kona.” Nakona nakambe swi tsariwile leswaku, “U kona ku pfuna hi nkarhi wa khombo.” Loko ku tshame kuva na khombo, a kuri ra xijahetana xexo xi nga pavalala lahaya, xi file, emisaveni, kusuka eka ku chokiwa hi gezi leri ri nga ya eka yena. Swingaleswi hi khensa Xikwembu mixo lowu, hi timbilu ta hina hinkwato, eka leswi, eka swilo leswi Xi hi endleleke swona.

<sup>15</sup> Xikwembu a xi katekisi vavanuna lava vo tshembheka, na vona. Hi nkarhi wa mhangu walowo wu va wuri nkarhi wo languta eka Xikwembu. Kutani langutani eka Xona, nakona vanani ni vunghana na Xona ku nga se fika mhangu. Ha switiva leswi. Loko hi ri ni ku tsakelana na Xikwembu, hi nga ha Xi kombela xin’wana na xin’wana, kukotisa n’wina mi nga swi endlelaka munghana un’wana, kutani Xi tshama xi ri kona ku ta pfuna hi nkarhi wa khombo.

<sup>16</sup> Ntsena ndzi hlanganile exitarateni, tolo, na sesi wa Makwerhu John Martin. A ndzi ri . . . Un’wana u ndzi yimisile exitarateni, kutani van’wana va hundza hi kwala kusuhi va yimisa mavoko ya vona. Loko ndzi vuya ekaya, ma swi tiva, mi vona vanhu hinkwako, va yima va tlhavulana mavoko, ni kuya emahlweni. Kutani manana loyi, ndza tsundzuka va ndzi vitanile sweswi, laha un’wana a nga n’wi ba enhlanini, emovheni, a buluka longo ra yena kutani ni hinkwako ku ya ehenhla nale hansa. A fanele a va xilema vutomi bya yena hinkwabyo. U tshamile eka nhlengeletano mixo lowu, u le ku tiphineni hi Vukona bya Xikwembu. Ntsena a ndzi ri eku vulavuleni na yena ekamareni. Ndzi lava ku khongela na yena, nakambe. Nakona a ri . . . U kona kwalahawani kun’wana. Ndza pfumela leswaku a nge tlheleli endzhaku a ya nghena.

Kambe, lahawani, hakunene, u tshamile kwalahawani na hina. Hi swona sweswo. U nga yima nyana xinkadyana, sesi, leswaku vanhu va nga ha . . . Hi loyi manana loyi dokodela a nge teri, masiku mantsongo lawa ya nga hundza, a nge he pfuki a fambile, loyi ku nga buluka longo na swin’wana, kusuka eka ku fayeka—fayeka. Kutani hi luya lahaya a nga yima, u hetisekile.

Ma swi tiva, Biblele yi teri, “Kutani va ngaka va nga vuli nchumu hi ku lwisana na swona, hikuva wanuna a yimile exikarhini ka vona.” Hi swona sweswo. Lahawani hi lexi xijahetana lexi xi nga vuyisiwa ekufeni, kutani hi loyi wansati na longo leri a ri bulukile, u yimile exikarhini xa hina. Ntsena swi endlekile, swingaleswi wa ha ri Yena tolo, namuntlha, ni hilaha ku nga heriki. Ku katekile Vito ra Hosi! Hi nga tsakisa ku yini kuva hi kumeka hi ri karhi hi hanya sweswi eka Vukona bya Yena, kutani hi ri karhi hi switiva leswaku hi Yena mupfuni la nga kona hi nkarhi wa khombo.

Hi tsakile ku vona Makwerhu Vayle, Makwerhu Martin, ni vo tala mixo lowu. Hosi a yi mi katekisi vamakwerhu, swinene. Sweswi i . . .

<sup>17</sup> Ndza switiva leswaku aku holanga swinene lahawani, ni ntshungu lowu hinkwawo, kambe hambu swi ri tano, loko ndzi ta suka eTucson siku rin'wana, a kuri kwalomu ka dzana na mune kumbe ntlhanu. Kutani a kuri kwalomu ka xikarhi xa vusiku, a kuri makume nkaye-nharhu, kutani swingaleswi leswi swi twakala swi ri kahle swinene eka mina. Kutani eParker va teri a kuri dzana na makume mune, Wavuntlhanu hi nga se suka. Kutani mi nga ha swivona leswaku a ku hisa njhani. Hikuva, kwalaho kuva kuri emananga.

<sup>18</sup> Kutani, sweswi, Misonto yinharhu leyi yi taka. Namuntlha, i ya vukhume ntlhanu, ndza pfumela, a hi swona xana, kumbe i wa vukhume ntsevu; khume ntlhanu, a hi swona xana? Wa vukhume nhungu, ni wa vumakume mbirhi nhungu, ni wo sungula wa Mhawuri, (a hi swona xana?) Mhawuri. Wa vumakume ntlhanu. . . Wa vukhume nhungu, makume mbirhi-ntlhanu, kutani wo sungula, kutava ni swikhongelo etabernakeleni. Mi nga, ma swi tiva, mi kumeka ngopfu mi ri karhi mi huma eka wona, hikuva, ma swi vona, a hi nge swikoti ku kuma leswi swi nga endzeni ka wona, leswi swi nga lahawani sweswi, endzeni, ma swi tiva, nakona swo ya swi nyanya. Ntsena vuyani loko mi nga swikota.

<sup>19</sup> Kutani ndzi lahawani ku ta hlengeleta matrasti kun'we. Ndzi le ka maendlelo yo humesiwa eka hinkwaswo leswi swi ndzi tekelaka ehansi endhawini ku ta khoma hlengeletano, loko ndzi titwa ndzi fambisiwa leswaku ndzi swi endla. Ndzi pfumela leswaku ndzi ya eku vutiseni loko hi nga kuma tende ra hina leswaku—leswaku hi ri vekela, ni kuva ntsena hi tshama kwalahaya, ma swi tiva. Hi huma lahawani eka phaka ya bolo, kumbe hi huma epurasini, kutani hi ri fambisa kusuka endhawini kuya eka yin'wana, ntsena loko Hosi yi ta hi fambisa. Kutani ndzi ti twisa sweswo leswaku hi leswi Yona yi nga ta swi endla. Ma swi tiva, ku ni xivono lexi xifambelanaka na sweswo. Kutani ndzi pfumela leswaku xexo xi nga hava xi ri xivangelo xa kuva leswi swi humelela. . . Sweswi, ma swi tiva, minkarhi yo tala hi ehleketa leswaku swa chavisa hikuva swin'wana swa humelela, kambe, ma swi tiva, sweswo swi nga ha endleka kuri Xikwembu, wa vona, xi mi yisaka eka swilo leswi. Loko, Xi teri, Xi ta swi endla.

<sup>20</sup> Vusiku byi ntsongo lebyi byi nga hundza, votala van'wina, ntsena kwalomu ka nhweti ku nga se fika kuya eAfrika, votala va n'wina swi nga ha endleka mi ri na yona thepi, loko n'wina vanhu n'wina mi nga ta kuma tithepi, eka, *Ku Hlawuriwa Ka Mutekiwa*, leyi yi nga chumayeriwa eCalifornia. Timinetse tintsongo to hetelela ta thepi yaleyo, a ndza ha swi tsundzuki

leswi a swi ri kwalahaya. Kambe Moya wa Hosi wu te hi ndlela ya leyo. A ndzi ri eku va soleni hi ndlela leyi a va hanyisa xiswona ni leswi a va swi endla, endzhaku kaloko Evhangelu yi chumayeriwile ni kuva yi hlambanyiwile emahlweni ka vona hi vunyingi. Swingaleswi, hi xi tshuketa, Moya wo Kwetsima wu vulavurile wu ku, “Kapernaum,” wa vona, “doroba leri va ri vitanaka hi vito ra tintsumi,” rero i Los Angeles, “wena u ti tlakuseleke eMatilweni, kambe u ta yisiwa ehansi etiheleni.” Wa vona? Kutani loko swi tava swi herile, hikokwalaho ka yini, a ndzi ri ehandle, kutani Makwerhu Mosley na Billy a va ri na mina. Kutani va teri. . . Tlhelela endzhaku u ya languta, kutani ehansi hinkwako a ku tele hi vanhu lava va nga pavalala, vaministara va rila hi mbitsi.

<sup>21</sup> Kutani ndzi yile ndzi ya kuma Matsalwa. Ndzi ku, “Ku ni swin’wana ha sweswo eBibeleni.”

Kutani a kuri Yesu a tshinyaka Kapernaum, hinkwawo madoroba lawa yale ribuwani lawa A nga ma endzela. Hikokwalaho ka yini, U teri, “Kapernaum, wena la ti tlakuseleke eMatilweni, u ta yisiwa ehansi etiheleni.” A ku, “Loko mintirho yi endliwile eSodoma na Gomora leyi yi nga endliwa nale ka wena, yi yimile na namuntlha.” Kutani hinkarhi wa lowo, Sodoma na Gomora a yi ri etshakwini ra lwandle lero.

Kutani ntsena endzhaku ka sweswo, kumbexani dzana ra malembe kumbe swin’wana, endzhaku ka loko Yesu a profetile, Kapernaum, doroba rin’we ra le ribuwani leri A nga ri endzela, ku ninginika ka misava kuri mbombomeriserile elwandle. Kutani ma swi tiva leswaku a yi ri nhlamulo leyi yi kongomaka ya California, kuya eLos Angeles.

<sup>22</sup> Kutani nale Tucson siku rin’wana, ntsena tani hiloko ndzi tlhelela endzhaku, ku ninginika ka misava lokukulu ku humelerile kwalahaya. Kutani va n’wa-tisayense a va ri eka thelvhixini va ri karhi va ku pfapfarhuta. A swi ri eka maphepha. Leswaku, misava, siku rin’wana, yi handzokile kusukela eAleutian Islands, kumbe kusuka eAlaska, ku rhendzeleka hi Aleutian Islands, kwalomu ka timayili ta madzana yambirhi elwandle, ku vuyela endzhaku eSan Diego, kuya rhendzeleka hi Los Angeles, kutani ku ta eSan Diego. Kutani yi tshikanile yi avana hi tiinci to hlanya. Tiyindlu ti wele ehansi. Timotela ti mbombomela.

Kutani va n’wa-tisayense eka phanele leyi va—va vutisiwile. Va ku, “Kunene, sweswo ti nga ha wa hi siku rin’wana?”

<sup>23</sup> A ku, “Swi ngava tano? Swi tava tano!” Kutani u tirhisile mavito ya xisayense ya leswi lavha yi nga xiswona. . . Sweswo hi swona swi vangeke ku ninginika loku ka misava hinkwako, ku rhendzeleka hi San Diego nile hansi kwalahaya. A yiri ndhawu ya leyo ya goji. Kutani hinkwayo ka yona yi sungula

ku fayekela endzeni, tani hiloko misava yi wela endzeni, kutani sweswi ntsena kova krasti. Nakona yi tshikanile yi nga ha khomani, tiinci to hlaya. Va nga ha teka radari ni swin'wana, kutani va landzelela ku pandzeka kwaloko, va ku fungha. Ndza ku vona leswaku a kuri kwihhi.

Kutani ku tshikanile a ka ha khomananga, tiinci to hlaya hi ku engetela, kumbe timbirhi kumbe tinharhu wa tiinci hi siku rin'wana, nakambe, endzhaku kaloko vuprofeta byebyo byi nyikiwile.

Kutani van'wana va lava a va ri karhi va konanisa va n'wa-tisayense, va teri, "Kunene, swi nga ha endleka swi ngavi hi nguva ya hina."

<sup>24</sup> U teri, "Swi nga ha endleka swi va hi ntlhanu wa timinetse kumbe eka malembe ya ntlhanu; kambe ti ya eku weleni."

<sup>25</sup> Manana Simpson, a ndzi pfumeli leswaku u na hina namuntlha. Kumbe, ndzi vona Makwerhu Fred a nga tshama lahawani, kambe a ndzi ku tivi laha ku nga na Manana Simpson. U fambile a ya kuma vuprofeta lebyi ndzi nga byi endla, kwalom u ka 1935 kumbe swin'wana swo kotisa xisweswo, kutani a ku, "Nkarhi wu tata," swi tsariwile ebukwini kun'wana, "leswaku lwandle ri ta kukula ndlela ya rona kuya emananga."

Langutani leswi swi humelelaka. Loko magidi ya lawa ya timayili ta xikwere ma wela ehansi eka lavha ya misava, kutani ku nyamalalela endzeni, ku tava na mamiliyoni ya lava va nga ta fa hi nkarhi wun'we. Nakona sweswo swi ta vanga gandlati ra nhluto wa lwandle! Tsundzukani, ku pima kuya fika eSalton Sea, i dzana kumbe madzana mambirhi ya tifiti ehansi ku tlula levele ya lwandle. Mati ya lawa kumbexani ya nga ha ta eTucson, ni gandlati lero ra nhluto wa lwandle ri tsemekanya lahaya. "Kutani lwandle ri ta kukula ndlela ya rona kuya emananga."

Matiko ya fayelegeleka, Israel ra pfuka,  
Swikombiso leswi vaprofeta va hina va nga  
swivula;

Masiku ya Vamatiko ya pimiwile, ni ku  
hatlisela ku wisa;

Tlhelelani, O ku hangalaka, eka n'wina.

<sup>26</sup> Hi le nkarhini wa makumu. Sweswi, Hosi a yi mi katekisi swinene. Ndzi sungurile hi sweswo kutani ndzi rivala hi nkarhi. Hi ta hundza hi xihatla, hi xihatla swinene, hi ya laha ku nga riki na Makumu, hi ndlela yin'wana.

<sup>27</sup> Kutani sweswi eka Mukwetsimi Marka, ndzimana ya vu7 na vhese ya vu7, ku tisa tsalwa eka dyondzo leyi ntsena hi nga yi hlaya eka Tikronika to Sungula 13. Ku endla tsalwa ra leswi, ndzi lava Marka 7:7.

...kambe va ndzi nkhinsamela swa hava, loko va dyondzisa tindyondzo leti yi nga milawu ya vanhu.

<sup>28</sup> Sweswi, a ndzi tivi nchumu kambe Hosi yi ndzi nyike Hungu, kutani lero hi rona ndzi nga ta vulavula hi rona hinkwaro. Kutani sweswi, ndzi ya eku vulavuleni hi dyondzo mixo lowu leyi ndzi ehleketaka leswaku yi tava yi ri kahle. Nakona madyambu lawa ndzi lava ku vulavula hi, “nyama ya nguva ya kona,” loko Hosi yi swi rhandza: *Swakudya Swa Ximoya Hi Nguva Ya Kona*, ni leswaku Swi kumisiwa ku yini. Sweswi, mixo lowu: *Ku Ringeta Ku Endla Ntirho Wa Xikwembu Ku Nga Ri Hi Ku Rhandza Ka Xikwembu*.

<sup>29</sup> Xikwembu xi ni vutifumi. Kutani ha swivona lahawani leswi Davhida a nga swi endla, loko hi hlaya Matsalwa eka Tikronika to Sungula 13. Kutani a ri... Makungu ya yena a ya ri kahle. Kambe Xikwembu a xi hi themendheli eka makungu ya kahle. Ku ni ndlela yin'we ntsena yo tirhela Xikwembu, yaleyo i ku endla ku rhandza ka Xona niku lerisa ka Xona. Kutani Xikwembu, tani hilaha xi nga ni vutifumi, ku hava na un'we loyi a nga Xi byelaka leswaku xi endla yini kumbe hilaha xi nga swi endlisaka xiswona. Xi swi endla hi ndlela, Xi tiva ndlela leyinene yo swi endla. Kutani sweswo swi ndzi endla ndzi titwa kahle. Nakona swi fanele ku hi endla hi titwa kahle hinkwerhu, nakona ndzi na ntiyiso wa leswaku swa swi endla. Hikuva, un'wana a nga va na Swona a ta hi ndlela *leyi*, un'wana a va na Swona a famba hi ndlela *liya*, kutani un'wana hi ndlela yin'wana.

<sup>30</sup> Kambe nchumu wun'we lowukulu, nakambe, ha Xikwembu, a Xi hi siyanga, sweswi, hi nga switivi leswaku Ntiyiso i yini ni leswaku hi nga swi endlisa ku yini. Xi ngaka xi ngavi ntsena, ku hi xupula loko hi endla swin'wana leswi hi nga switiviki leswaku swi endlisiwa ku yini, kutani xi hi tshika hi phijeka eka swin'wana. A Xi hi muxaka walowo wa kuva xi ri Xikwembu. Hi Xona Xikwembu lexi xi vulaka Rito xi tlhela xi langutela vana wa Xona ku Ri pfumela. Kutani, swingaleswi, Xi tiva leswi nga kahle swinene, ni leswaku xi ta swi endla rini, ni leswaku xi ta swi endlisa ku yini. Hi ni miehleketo ya hina ha swona, kambe Xona xa swi tiva.

<sup>31</sup> Kutani loko Xi tava xi vekile maendlelo, lawa Xi nga ta endlisa xiswona, nakona xi nga hi byelanga leswi swi nga ta humelela ni hilaha swi nga ta humelerisa xiswona, swingaleswi hina, ha ti phiija ha swona, swi ta—swi ta lulamisiwa eka—eka ku tiphija—phiija ka hina; kumbe, loko hi ringeta ku endla swin'wana, un'wana na un'wana u ta lulamisiwa. Kambe ku ni ndlela yin'we ntsena, kutani ya leyo i Rito ra Xona.

<sup>32</sup> Kutani nchumu wun'wana, Davhida lahawani, ha swi vona embilwini ya yena leswaku a lava ku endla swin'wana leswi swi nga kahle. A ri hava nhlohlotelo lowu wu hoxekeke, kumbe

a ri hava mavonele lawa ya hoxekeke. Kambe, yindlu, kumbe areka ya Hosi, a yi ri ekule ni—ni vanhu, nakona u lavile ku vuyisela areka ya Xikwembu endhawini ya yona, swingaleswi vanhu va nga ha tihlanganisa ni Xikwembu eka swilo leswi va swi lavaka.

<sup>33</sup> Ematshan'wini ya—ya ku titshikela swi ti fambela, hina. . . A ku ta humelela yini loko Makwerhu Blair na tatana wa xijahetana lexi a va lo vula leswaku, “Kunene, swi bihe ngopfu, n'wana ntsena a vaviseka, a dlayiwa. Ndza pfumela, ntsena hi swin'wana leswi nga humelela”? Kambe hi xihatla va yile eka Xikwembu.

<sup>34</sup> Ku nga humelela yini loko manana lontsongo, ni nuna wa yena, muvuri wa Evhangelu, vusiku byintsongo lebyi nga hundza, kumbe masiku, loko manana yaloye lontsongo a tava a buluke rhambu ra longo, loyi ntsena a nga yima. . . Dokodela a teri, “U ta limala vutomi bya yena hinkwabyo.” A ku ta humelela yini loko nuna na yena va teri, “Kunene, murhandziwa, ntsena hi to ti chavelela eka sweswo”? Kambe hi ku hatlisa va endlile swin'wana ha swona; va yile eka Xikwembu. I swilo swingani leswi swi nga eBibeleni leswi hi nga kongomisaka eka swona, swa leswi vanhu va nga kumeka ekhombiyeni, va ya eka Xikwembu!

<sup>35</sup> Kunene, swingaleswi, eminkarhini ya vona, a va ri ni ndhawu yin'we ntsena leyi a va hlengeletana eka yona leyi va nga hlanganaka na Xikwembu, kutani kwalaho a kuri eka areka, ehansi ka ngati. Kwalaho a yi ri ndhawu yi ri yoxe yo hlanganela kona, ehansi ka ngati. Xitshamo xa ndzivalo a xi haxiwile, ku nyika tintswalo eka mugandzeri, kumbe mukomberi, loko a ta kombela xikombelo eka Xikwembu. Kutani Xikwembu xi ni maendlelo ya muxaka wun'we, hi ndlela leyi mi fanelaka ku fambisa xiswona, na n'wina, eka sweswo, nakona a Xi nge swikoti ku amukela swin'wana. A Xi nge swikoti ku amukela handle kaloko xona xi tisa; ntsena hi ndlela leyi Xi nga swi lulamisa xiswona.

<sup>36</sup> Sweswi ntsena ndzi chumayerile hi Hungu, votala va n'wina ma switiva ha Rona, leswaku, kova ndhawu yin'we ntsena leyi Xikwembu xi nga yi tisa laha xi hlanganaka na mugandzeri kona, ndhawu leyi Xi nge teri, “Ndzi ta akisa Vito ra Mina kona.” Loko hi nga kuma kereke leyi Xi nga akisa Vito ra Xona kona, swingaleswi hi tava hi kumile ndzhawu. Xi teri, “Ndzi ngaka ndzi nga mi katekisi eka minyangwa hinkwayo; ntsena eka minyangwa leyi Ndzi nga akisa Vito ra Mina kona. Ndzi ta ri veka eka ndhawu yin'we, nakona mi ta fanela ku hlangana na Mina kwalahaya; kutani yaleyo hi yona ndhawu yi ri yoxe leyi Ndzi nga ta hlangana na n'wina kona.” Nakona hi kuma leswaku, kwalahaya, laha Xi nga akisa Vito ra Xona,

kutani yaleyo hi yona ndhawu yi ri yoxe laha Xi hlanganaka na mugandzeri. Nakona Vito ra Xona i Yesu Kreste. Vito ra Xikwembu i Yesu Kreste.

<sup>37</sup> Yesu u teri, “Ndzi tile hi Vito ra Tatana wa Mina.” N’wana un’wana na un’wana u ta hi vito ra tatana wa yena. Nakona U tile hi Vito ra Tatana.

“Nakona ku hava Vito rin’wana leri ri nga nyikiwa ehansi ka Tilo leri ri nga nyikiwa exikarhi ka vanhu,” hambi yi vitaniwa Methodist, Baptist, Presbyterian, church of Christ, hambi yi nga endliswa yini. Kuva ni ndhawu yin’we ntsena laha ku hlanganiwaka kona laha Xikwembu xi hlanganaka na munhu, kutani kwalaho hiloko a ri eka Yesu Kreste, ndhawu yi ri yin’we. Kutani hinkwaswo swilo leswi swa khale endzhaku lahawani leswi swi nga ehansi ka Testamente ya Khale, swi fanekisa sweswo. Ndzi mi lava mi swi twisisa hi ku hetiseka sweswo. Sweswi, yo va dyondzo ya xikolo xa Sonto. Ndzi ni Matsalwa yan’wana ya tinotsi leti ndzi nga ti tsala lahawani. Ndzi ehleketa leswaku leswi swi ta mi pfuna ku twisisa, tani hilaha swilo swa khale a swi humelela leswaku swi va xikombiso eka hina.

<sup>38</sup> Sweswi, hikuma leswaku Xikwembu xi ni ndlela ya xona yo endla swilo. Kambe Davhida, ntsena tani hilaha a katekisiwile hi Xikwembu, tani hilaha a ri na kona, kutani a va hosi, ntsena u ehleketile leswaku a nga endlela Xikwembu swin’wana, hi ndlela yin’wana. Kutani a nga kalanga a famba na swona hi ndlela ya kahle.

<sup>39</sup> Ha switekela enhlokweni, leswaku Xikwembu xi paluxa Rito ra Xona hi nguva leyi yi nga ya Xona leyi Xi nga yi hlawula. Sweswi, xana Martin Luther a nga swi tivisa ku yini hi ta Hungu ra namuntlha xana? Presbyterians yona ke? Martin yena ke... kumbe kereke ya Khatoliki yi tiva hungu ra Martin Luther? John Wesley yena a nga ri tivisa ku yini hungu ra Luther xana? Wesley yena a nga ri tivisa ku yini hungu ra Pentekostal xana? Kumbe swi nga endlekisa ku yini Mapentekostal leswaku ma tiva Hungu leri xana? Wa vona? Xi Ri paluxa hi tinguva ta Xona, hikuva Ri Mbewu. Kutani tani hiloko Ri kula ri tlhela ri vupfa, Xa tipaluxa xona N’winyi.

<sup>40</sup> Ku kotisa ku hisa ka dyambu, kuva ku pfuriwa. Loko musa wa rona ni vuntsongo, ri swi nyika misava, mbewu; kutani yi humesa matluka ya yona, eka xiyimo xin’wana xa dyambu. Dyambu leri ri hisaka ri ta yi dlaya loko yi ri mbewu leyi yi vupfeke... kumbe kuri nkarhi wo vupfa. Swingaleswi, Xi fambisa dyambu hi nawu niku fambisa ntumbuluko hi nawu, leswaku swi hlangana na Rito ra Xona.

Xi fambisa Kereke hi nawu, leyi yi nga hlawuriwa, Mutekiwa, ku hlangana ni nguva leyi va hanyaka eka yona.

<sup>41</sup> Hambi kuri ntumbuluko hi woxe wa hi byela namuntlha, tani hilaha hi vonaka matiko loko ya pandzeka, misava yi mbombomela endzeni, ntsalo wa voko wule khumbhini. Hi vona kereke na matiko yale ka rona.

Hi vona Mutekiwa na tiko leswaku U le ndzeni. Kutani ha switiva, hi ntumbuluko, leswaku Kereke yi le ku tilulamiseleni ku famba. I nkarhi wihi wo kwetsima! I nkarhi lowu vaprofeta hinkwavo va nga navela ku wu vona, awara ya leyi.

<sup>42</sup> Sweswi, Xi paluxa Rito ra Xona ntsena hi nguva ya Rona. Martin Luther u hlaye Bibebe ya leyi hi yi hlayaka. Wesley u hlayile Bibebe ya leyi Martin Luther a yi hlayeke. Mapentekostal ya hlaya Bibebe ya leyi hi yi hlayaka. Yesu u hlayile Bibebe leyi Vafarisi va nga yi hlaya, kambe va. . . Va le ku ringeteni ka ku hlayisa koroni eka nguva ya khale, loko yi ri eku vupfeni, va hluleka ku vona awara ya vona.

Sweswi Davhida u endle swo fana lahawani.

<sup>43</sup> Xikwembu xi paluxa Rito hi nguva ya kona, eka lava Xi va hlawulaka ku va paluxela Rona. Xikwembu xa hlawula lava Xi va lavaka ku va paluxela Rona. Xi va hlawurile ku nga seva ni masungulo ya misava. Hinkwaswo leswi Xi swi endlaka swi sungule swi tiveka eka Xona, swi tumbuteriwile vanhu. Ntsena Xa va paluxela tani hilaha Xi swilavisaka xiswona. I nguva ya Xona leyi xi nga yi hlawula, munhu loyi Xi nga n'wi hlawula. Nakona a Xi kalanga xi hlawula nhlngano kumbe vandla rin'wana ra vukhongeri bya rona; i munhu loyi a nga hlawuriwa, hilaha Xi swi endlisaka xiswona.

<sup>44</sup> I mani loyi a nga na xitiya nhlana xa ku Xi lulamisa, a ku, "Sweswi, Hosi, U endlile xihoxo hi ku veka wanuna *loyi* eka ministri. Wanuna *loyi* a nga pfumerisi xiswona tani hilaha hina hi pfumerisaka xiswona"? I mani loyi a nga ta byela Xikwembu leswaku Xi hoxile eka swona xana? Swi ta teka un'wana loyi a nga na ku hunisa nyana kutlula leswi ndzi nga xiswona, ku Xi byela sweswo. Xi tiva leswi Xi swi endlaka. Xi tiva loyi xi nga ta n'wi hlawula ni loyi xi nga taka xi nga n'wi hlawuli, leswi a nga ta swi endla ni nkarhi lowu a nga ta swi endla ha wona. A swi khathaleki leswaku hi ehleketa ku fika kwihi kutlula munhu un'wana loyi a ringanelaka ku endla ntirho wun'wana, Xikwembu xa swi tiva leswaku i mani a ringanelaka eka nkarhi ni nguva, kumbe nkarhi ni nkarhi wa kahle wo swi endla.

<sup>45</sup> Kutani wa xiviri, Mukreste wa ntiyiso; wa xiviri, mupfumeri wa ntiyiso eka Xikwembu, u rindzela Hosi eka swilo leswi. Rindzela ministri wa wena. Loko u titwa u vitaniwa, vana ni ntiyiso wa leswaku i Xikwembu. Vana ni ntiyiso wa leswaku hi swona sweswo. Vana ni ntiyiso wa leswaku i nkarhi wa leswi u swi vulaka. Bibebe yi teri, "Lava

va rindzelaka Hosi va engeta va kuma matimba lamantshwa. Va ta haha tani hi gama. Va ta tsutsuma va nga karhali. Loko va famba, vangaka va nga titivali.”

<sup>46</sup> Xiyisisani Davhida, hosi ya Israel, ntsena loyi a nga na ntoto. Samuel u n’wi chele hi mafurha, nakona a hlawuriwile hi Xikwembu, leswaku a va hosi ya Israel. Kutani Davhida u vile na wona nhlavutelo lowu, wo vuyerisela areka ya Hosi edorobeni ra Davhida. Sweswi, ku hava lexi xi nga hoxeka, kambe, maswivona, Davhida u yile eka yona hi ku hoxeka.

<sup>47</sup> Sweswi, swi languteka tani hiloko wanuna a swi tsakela sweswo hilaha a nga ta kuma nhlavutelo, wanuna lonkulu kukotisa hosi leyi yi hlawuleke hi Xikwembu, hosi leyikulu ngopfu leyi yi nga tshama yi hanya emisaveni, ehandle ka Kreste, ndza pfumela, leswaku akuri Davhida, hikuva Kreste i N’wana wa Davhida. Sweswi, wanuna lonkulu, loyi a nga totiwa hi ntoto wo tenga, u huma eka Vukona lebyi byi nga kona bya Xikwembu, u vile ni nhlavutelo wo endlela Xikwembu swin’wana, nakona u swi lavile ku swi endlela Xikwembu; kambe nhlavutelo a wu hoxekile. Sweswi, walowo i nchumu wa kahle. Swi ta tirhisana ni dyondzo ya hina leyi nge: *Ku Ringeta Ku Endla Ntirho Wa Xikwembu U Nga Vitaneriwanga Ku Wu Endla.*

<sup>48</sup> Xiyisisani, Davhida a ri na nhlavutelo. Kutani xiyisisani, a nga ri muprofeta, Nathan-ael, loyi a ri na nhlavutelo. A kuri Davhida, wa hosi, loyi a ri na nhlavutelo. Hambi a ri Nathan-ael a nga tihlanganisanga ha swona. A nga kalanga a n’wi vutisa Nathan-ael. Kambe ma swi vona lahawani, eka Tikronika to Sungula, u ti hlanganisile ni vakaptein va magidi-gidi, ni vakaptein va madzana-dzana? A nga kalanga a ti hlanganisa na Nathan-ael. U ti hlanganisile na vanhu, nakambe u ti hlanganisile na vaprista ni va ntivo-vukhongeri va siku lero, vatsari ni va ntivo-vukhongeri. Davhida u ti hlanganisile ku sungula, a ku, “Loko swi ri, leswi, swi ri swa Xikwembu, a hi rheleleni hi ya vuyisela areka ya ntwanano ya Xikwembu xa hina, yi vuya edorobeni, kambe a hi ti hlanganiseni na Xikwembu hi nga se endla swilo.”

<sup>49</sup> Kambe a ku, eminkarhini ya Saul, “Va tshikile ku ti hlanganisa ni Xikwembu, hi a—a—a areka, ya Urim, Urim Thummin. Va tshikile ku swi endla sweswo.”

Davhida a ku, “Sweswi a hi tlheleleni eka Xikwembu, hinkwerhu ka hina! A hi tlheleleni eka nchumu lowu wu nga wa kahle. A hi rheleleni hi ya teka areka hi yi vuyisela lahawani, hi vuyerisela Vukona bya Xikwembu,” hi marito man’wana, “yi vuyela edorobeni. A hi khomeni mpfuxelelo. A hi tlheriseleni vanhu endzhaku.” Kambe a ri na nhlavutelo, lowu a wu tikomba wu ri kahle, kambe a wu ngari hi ku rhandza ka Xikwembu.

50 Ematshan'wini ya ku vutisa xihlovo lexi a fanele ku vutisa eka xona, u ti hlanganisile na vakaptein, hikuva u lo tivelala hosi ntsena. Nakona u landzelerile ntila walowo wo ehleketa, leswaku, tindhuna ta vakaptein va yena ni vavanuna va yena va kahle.

51 Kutani u yile a ya vutisa kereke leyi nga riki ya xidzi a yi vutisa loko hi leswaku va ngava na mpfuxelelo. Vaprista, vatsari, vakaptein va magidi-gidi, vakaptein va madzanzana, kutani u ti hlanganisile na vona. "Xana leswi a kuri ku rhandza ka Hosi xana?" Kutani va teri a kuri swona. Kambe, maswivona, u tsandzekile ku vutisa xihlovo lexikulu lexi minkarhi hinkwavo Xikwembu xi tirhaka ha xona. Wa vona, u tsandzekile ku swi kuma.

52 Sweswi makungu ya yena a ya ri kahle. Nhlohlotelo wa yena a wu ri kahle. Mavonele ya yena a ya ri kahle, kutani ku tisa mpfuxelelo edorobeni, ku vuyisela vanhu va tlhelela eka Xikwembu. Kambe a nga tihlanganisanga hi ndlela leyi Xikwembu xi nga n'wi byerisa xiswona. Wa vona?

53 Hambu kuri vanhu hinkwavo va twananile, ni vaprista, ni leswaku tihosi ti ni ntiyiso, "Va lavile areka leswaku yi vuyela endzhaku edorobeni. Sweswi, va lavile Vukona bya Xikwembu. Va lavile mpfuxelelo." Kambe Xikwembu a xi tshembhisanga ku paluxa Rito ra Xona, hi nguva ya Rona, eka vanhu. A Xi kalanga xi tshembhisa ku Ri paluxela hosi, eka nguva. Xikwembu a xi hundzuki, na swintsongo. A Xi tshembhisi ku endla sweswo.

54 A swi na mhaka ni leswaku u tshembhekise ku yini, ni nhlohlotelo wihi wa kahle, ni mavonele wahi ya kahle, ni leswaku vanhu va swi lava njhani swilo leswi niku vona xilaveko xa kona, ku ni ku rhandza ka Xikwembu loku ku fanelaka ku rhwariwa eka swilo leswi. Sweswo hi leswi ndzi lavaka ku swi yisa ehansi swi tiyile, hikuva ndzi lava ku endla leswi leswaku mi kota ku swi vona loko-loko Moya wa Xikwembu wu tshama eka n'wina. Kutani hi xona xivangelo xa kuva ni hlwela nkarhi wo leha lahawani. Ku ngari ku teka nkarhi wa n'wina vanhu eka riqingho, nale ka ku khwekela, kambe ndzi-ndzi mi lava leswaku mi swi vona. Loko mi siya hinkarhi, kutani kumani thepi. Leswaku ku . . .

55 A swi na mhaka ni leswaku swi laveka ku fika kwihi, ku twananisiwe ku yini na un'wana na un'wana leswaku swa laveka, leswaku i Ntiyiso wo tani hi kwihi walowo, ka hari na nchumu wun'we lowu wu lavaka ku kumisisiwa. A hi wona ku rhandza ka Xikwembu xana?

Sweswi, Xikwembu a xi kalanga xi tshembhisa leswaku Xi ta paluxa swihundla swa Xona eka tihosi ta Xona, Xi ta paluxa swihundla swa Xona eka vanhu va Xona.

<sup>56</sup> Swin'wana swo kotisa hi nkarhi wa Mikiya, n'wana Imlah. Tani hiloko hi sukela, ku nga ri tsalwa, kambe nkarhi wun'wana, ku ta nghenisa leswi niku swi endla swi va ntiyiso eka n'wina, swi va swa xiviri eka n'wina, leswaku mi nga swi hupi.

<sup>57</sup> A kuri, eminkarhini ya Mikiya...A ri xisiwana xa wanuna, nakambe a huma endyangwini lowu wu nga swela. Kambe, Akab, hosi ya Israel, tani hi tiko leri ri nga ehansi ka Xikwembu, u vekile etlhelo xikolo kutani a tisa lava va nga hlawuriwa, vaprofeta lava va nga hlawuriwa va khomiwa hi voko, kutani a ri na mune wa madzana ya vona exikolweni. Nakona a va ri vavanuna va kahle. A va ngari ntsena vaprofeta va vunwa. A va ri vaprofeta va Vaheveru, vavanuna va xiviri. Kutani va ti hlanganisile na Hosi ha vavanuna lava. Nakona vaprofetile. Kambe, maswivona, loko ku kombisa loku ku hetisekeke ku fika, hinkwavo ka vona a va ri ehandle ka Rito ra Xikwembu niku rhandza ka xona. [Xivati lexi nga riki na nchumu eka thepi—Muhleri.]

<sup>58</sup> Hikuva Yosafat u tile a huma eYerusalem ku ta hlangana na—na hosi Akab, kutani va ambarile tinguvu ta vona, kutani va tshama ehandle e—e minyangweni, kutani va tisa vaprofeta emahlweni ka vona. Xosungula, Akab u teri, “Hi ni ndhawu ehahlaha lahawani eRamoth-gilead leyi kahle kahle yi nga ya hina.” Sweswi, sweswo HI LESWI HOSI YI SWIVULAKA. Yoshuwa u yi averile vanhu a va nyika yona, kambe Vafilista va tlhele va yi teka.

Kutani a ku, “Hi lava vana va hina va lava xinkwa, nakona hi hava tiko leri ri eneleke ku ta kurisela xinkwa eka rona. Kutani valala va hina, ku nga Vafilista, va phamela vana va vona, va nga vahedeni, lava va humaka eka misava yin'we leyi Yehovha Xikwembu a nga hi nyika yona.” Sweswo swa kongoma hakunene. Kutani va ku, “Lahawani, hina, vanhu va Xikwembu, hi tshamile lahawani ni vana va hina, hi ri ni xilaveko, nakona nala wa hina u le ku phameleni ka vana va vona emisaveni leyi Xikwembu xi nga hi vitanela yona kusuka eEgipta xi tlhela xi hi nyika rona.” Leri va nga ta kurisela va ntivo-vukhongereri kona, a swi ngevi tano xana? U teri, “Xana hi nga gonya hi ya teka misava leyi Xikwembu xi nga hi nyika yona xana?”

<sup>59</sup> Yosafat a ku, “Ina, ndzi ta ku pfuna. Hi vamakwerhu. U le ka Yuda, kutani mina ndzile e—ndzile e Yerusalem.” Kumbe—kumbe, a swi fambisana? Ndza pfumela...Ee, hi swona sweswo. Ndzi ehleketa leswaku swi...Yosafat.

Hambi loko, Yosafat a ri wanuna wa kahle, hosi, wanuna la lulameke loyi a rhandza Hosi. Akab a ri mupfumeri loyi a kufumela. Swingaleswi va vutisile, kutani Yosafat a ku, “Yingiselani, a hi ti hlanganiseni na Hosi ku sungula. Hi

fanele ku lavisisa eka leswi.” Wa vona, loko Davhida a lo endla leswi Yosafat a nga swi endla! U teri, “A hi fanelanga ku endla leswi xana?”

Kutani hi xihatla, tani hilaha a nga Muisrael, Akab u teri, “Hakunene-nene. Ndzi na mune wa madzana wa Vaheveru, tani hilaha hi nga xiswona, vaprofeta va Vaheveru wa nhlanganano lowu wu nga wa vona. Kutani ndzi ta ti hlanganisa na vona. Hi vona vaprofeta.” Sweswi, maswivona, ntsena. . .

<sup>60</sup> Mi ri, “Sweswo swa ni phija, Makwerhu Branham. Muprofeta?” Oho, ina. A kuri ni un’wana hi nkarhi wa Yeremiya, loyi a nge te va tava ehansi kwalahaya ku ringana malembe ya mbirhi. Hosi yi byerile Yeremiya leswaku, “makume nkombo.” A nghenisa joko enhan’wini ya yena, kutani muprofeta a ri tshova, Hananiya. Kambe ma switiva leswi swi nga n’wi humelela. Oho, ina. U fanele ku tshama na Rito.

Swingaleswi vaprofeta lava va tile va profeta, va ku, “Yanani emahlweni! Hosi yi na n’wina.”

<sup>61</sup> Kutani un’wana wa vona, ndza pfumela (ndzi rivarile vito ra yena sweswi) ndhuna, Zedekiya, ndza pfumela, u teri, u vekerile timhondzo ta nsimbhi a ku, “HI LESWI HOSI YI SWIVULAKA. Ha leswi,” sweswi wanuna yaloye a tshembhekile, “u nga ha sukumetela nala wa wena a nembelela endzhaku emavokweni ya vona, kutani va teka leswi swi nga swa Xikwembu. Mi nyikiwe swona.” A ndzi pfumeli leswaku a ri mutikukumuxi. Ndzi pfumela leswaku a ri wanuna wa kahle. Ndzi pfumela leswaku hinkwavo vaprofeta va vona a va ri tano.

<sup>62</sup> Mi ri, “Vaprofeta?” Ina! Tsundzukani, wanuna ya luya a nga khensa ku dlayiwa ka Yesu Kreste, u profetile, hikuva a yi ri hofisi ya yena. A ri muprista lonkulu hi lembe lero. Nakona kuva hi ndlela ya leyo a ri na hofisi ya leyo, niku khoma hofisi ya leyo, Moya wa Xikwembu wu tile eka yena. Sweswo a swi nga vuli leswaku u ponisiwile kumbe swin’wana swa swona. Nakona u profetile, Khefasi, hikuva a yi ri hofisi ya yena leyi yi swi endleke.

<sup>63</sup> Kutani vaprofeta lava, tani hilaha a va ri vaprofeta, wa hofisi ya vuprofeta, u profetile. Kutani Moya wa Xikwembu wu tile eka vona, vavanuna ni tinyiko ta Moya.

<sup>64</sup> Ndza swi tekela enhlokweni leswaku ndzi le ku vulavuleni ni tiphesente ta makume nkaye-nkaye wa Mapentekostal. Kambe vavanuna minkarhi yo tala, wanuna, Xikwembu xi nga ha tirhana na vona, xi va nyika nyiko, nakona vanhu va ta ti tlimbeletela eka vanhu lava. Loko hakunene va nga vitaniwanga hi Xikwembu niku rhumiwa hi xona, u ta endla

leswaku wanuna yaloye kumbe wansati leswaku a vula swin'wana leswi swi nga riki ku rhandza ka Xona, hikuva vanhu va vabohelerile ku swi endla.

<sup>65</sup> Hilaha ndzi fanelaka ku khoma mufundhisi lontsongo wa hina lahawani ha swona. Ehandle lahawani emakhwatini mixo wun'wana, kwalomu ka awara ya nharhu ni mixo, a ku, "Famba u ya byela Makwerhu Neville!" Ndzi tile eka wena, a ndzi tanga xana, Makwerhu Neville?

<sup>66</sup> Un'wana na un'wana, "Makwerhu Neville, u ndzi profetile. A ndzi byela *leswi* kumbe *sweswo*." Wa vona? A mi ri na yena a ri karhi a vula swilo leswi swoka swi nga humelelangiki.

"Lava va rindzelaka," ku kuma leswi Hosi yi swi lavaka leswaku va swi endla. Wa vona?

<sup>67</sup> Swingaleswi vavanuna lava va swi languta hi tihlo ra ntumuluko, "I swa hina." Kambe, maswivona, a va kalanga va ri kuma Rito niku rhandza ka Xikwembu.

<sup>68</sup> Kutani Mikiya u tile, nakona a ri na xivono. U xikamberile, kusungula, ma swi tekela enhlokweni. A ku, "Yima. Ndzi nyike vusiku bya namuntlha. U nge ndzi ya lavisisa, kutani mundzuku kumbexani ndzi nga ha mi hlamula." A nga hatliselanga, "HI LESWI HOSI YI SWI VULAKA," tani hi, ku twanana ni vaprofeta lavan'wana. U teri, "Ndzi ta vula ntsena leswi Xikwembu xi swivulaka."

Kutani hi siku leri ri tlhandlamaka, hi kuma leswaku, Xikwembu xi n'wi byele leswi swi nga ta humelela. Nakona hakunene a swi hambana ni swa van'wana. Xikolo hinkwaxo, a swi hambana. Kutani hambani kuri un'wana wa vona u yimile a ya n'wi makala exikandzeni, hikokwalaho ka swona. Kambe, wa vona, u rindzerile. Swingaleswi loko a tava a swi endlile, u pimanyisile vuprofeta bya yena, xivono xa yena, ni Rito leri ri tsariweke, nakona a xi ri lexi a xi famba na Rito.

<sup>69</sup> Loko un'wana a ku va "ni nhlavutelo wo khuvula vanhu hi Vito ra 'Tatana, N'wana, Moya wo Kwetsima,'" sweswo swi hambana na Rito. Ku hava na un'we eka vona hinkwavo loyi a nga tshama a swi endla. Loko va ku, leswaku, "Oho, hi taya hi ya yima, nakona *leswi*, *sweswo*, ni *swin'wana*," ni kuya emahlweni, sweswo swi hambana na Rito. Loko va ku "a va pfumeli eka mbewu ya nyoka," sweswo swi hambana na Rito. Hinkwaswo swilo leswin'wana, leswi swi hambana na Rito. Swi fanele swi va na Rito nakona hi nguva ya kona.

<sup>70</sup> Sweswi, loko Davhida a ngava a endlile sweswo. Areka a yiri ekuteni, kambe ku ngari hi nkarhi wa lowo; a kuri hava ndhawu ya yona.

<sup>71</sup> Xiyisisani sweswi loko va ta rhelela ku ya teka areka, hinkwavo vakulukumba va teri, "Wa lowo i nchumu lowu u fanelaka ku wu endla, Davhida. Ku kwetsima a

kuve eka Xikwembu! Hi lava mpfuxelelo.” Yaleyō ku tava kuri Pentekostal leyi yi hetisekeke, namuntlha; Baptist, Presbyterian. “Davhida, u hosi ya hina! N’wina hinkwerhu... Kaptein *So-na-so*, na Nkulukumba *So-na-so*, na Generali *So-na-so*, va tava vari eka nhlengeletano ya wena. Hikokwalaho ka yini, va vula leswaku sweswo kova ntsena nchumu wo swi endla, Davhida. U khome tiko hinkwaro na wena.”

Hi yona mhaka namuntlha. A ndzi ri lavi tiko. Ndzi lava Xikwembu, loko kuri hava na un’we loyi a nga yima.

<sup>72</sup> Davhida a ri ni vakaptein hinkwavo. A ri ni ntirhisano ni mavuthu ya nyimpi. A ri ni ntirhisano ni tidinominexini hinkwato, ni va ntivo-vukhongeri hinkwavo, ni hinkwavo, un’wana na un’wana a yima na yena. Swi ve tano ka Akab, ni van’wana lava va nga eMatsalweni; kambe a nga ri na Xikwembu, hikuva a ri ehandle ka ku rhandza ka Xikwembu. Ndza pfumela leswaku ha swikuma leswi.

<sup>73</sup> Xiyisisani, va endlile nchumu hinkwawo wa vukhongeri lowu va nga wu kota. Hakanyingi va vekela na swinavetiso ni hinkwaswo, “Mpfuxelelo wa kahle! Areka yi ta eku vuyiseriweni endzhaku. Hi ya va na mpfuxelelo. Hi ya eku endleni ka *leswi*.”

<sup>74</sup> Xiyisisani, u rhumerile vayimbeleri. U rhumerile vanhu ni tiharpa, na timhahala, nakona va endlile nchumu hinkwawo wa vukhongeri lowu a va wu tiva ku wu endla; hambi swi ri tano Xikwembu a xi ngari eka swona.

Swin’wana ha swi vona swi tlhela swi vuyelela nakambe, a hi swi voni xana?

<sup>75</sup> Va tekile swiyimbeleri hinkwaswo. Va teka ni vatlangi va tiharpa, ni vapfurheteli va timhahala; vavasati, vavanuna, ni un’wana loyi a nga vaka a yimbelela. Va vatekile hinkwavo va va yisa kwalahaya, nakona va ngenile hi nyanyuko wun’wana ni wun’wana wa vukhongeri.

A ndzi swi lavi kuvula leswi, kambe ndza fanela ku swivula. Swingaleswi swi tano na tidinominexini leti ta namuntlha, Pentekostal ni hinkwato, tile ku fambeni hi nyanyuko hinkwawo wa vukhongeri, wo yimbelela niku huwelela.

<sup>76</sup> Xiyisisani, Davhida u huwelerile hi matimba ya yena hinkwawo, a tlhela a tlhava mukhosi, a tlhela a tlula, kutani a nghena hi nyanyuko wa vukhongeri lowu nga vaka kona kwalahaya; nakona hambi swi ri tano Xikwembu a xi ngari kona eka byona. Nakona nhlohlotelo wa yena, ni mavonele ya yena, kutani hinkwaswo a swi ri kahle; kambe u nghene hi ndlela yo hoxeka na byona. Wa vona? U endlile mampfumbha hinkwawo ya vukhongeri; u bile huwa, u yimbelerile, u vile

ni vayimbeleri va xipexele, va bi va huwa va xipexele, ni hinkwavo. Va cinile va ri emoyeni. Va endlile hinkwaswo leswi a swi ri swa vukhongeri.

<sup>77</sup> Hi swin'wana ku kotisa tikhrusedi ta hina letikulu ta nkarhi wa hina. Va lava ku wina misava leswaku yi ta eka Kreste. Ku hava swo fana ni sweswo. Mipfuxeledo leyikulu leyi yi nga rhetemuka ni tiko, swilo swa kahle leswi swi humelelaka; loko ntsena va nga swi tekela enhlokweni, leswaku siku lero ri hundzile. Wansati loyi i soriwe khale. Kambe va ala va ha aka miako, tikhrusedi, mihlangano, ni hinkwaswo. Kambe, mbuyelo bya kona i ku bya ha kotisa bya nkarhi wa Davhida, a swi kalanga swi tirha.

<sup>78</sup> Hi famba hi ya va ni mpfuxeledo. Vakulukumba va hina, van'wana va vakulukumba va vaevhangeli va hina va namuntlha, va vula leswaku va na makume nharhu ya magidi ya lava va nga hundzuka, hi nkarhi wo ringana mavhiki mambirhi; hi lembe kusukela kwalahaya, loko va tlhelela endzhaku, a va ha kumi kuri makume nharhu. Ku ni swin'wana swi nga hoxeka. I yini, ntsena swi fana ni leswi Davhida a nga swi endla. Vakulukumba va kahle, vavanuna va kahle, swichumayeri swa kahle, swikolo leswikulu, vuhosi bya kahle, kambe hambu swi ri tano va ha tihlanganisa ni tidinominexini ya xikhale ematshan'wini ya ku va va languta exikandzeni xa Rito ra Xikwembu kutani va vona loko nguva yi sungurile. A wu nge swikoti ku kurisa swakudya swin'wana hi nkarhi wun'wana wa lembe.

<sup>79</sup> Sweswi a hi voneni leswi swi nga humelela. Hambu leswi vona...Nyanyuko wa vukhongeri bya vona ni swilo swa vona a swi ri kahle, makungu ya vona a ya ri ya kahle, khrusedi ya vona a yi ri kahle, vuyimbeleri bya vona a byi ri kahle, ku cina ka vona a kuri ka kahle, ku huwelela ka vona a kuri ka kahle, vunanga bya vona a byiri bya kahle, nakona a va ri na areka. Hi byihi vukahle bya areka loko Xikwembu xi ngari kona xana? Yo va ntsena bokisi ra pulanga, matafula yo tala hi maribye.

Sweswo swi kotisa loko hi teka xilalelo, loko hi khuvuriwile. Xana hi byihi vukahle bya ku khuvuriwa loko u nga sungulanga u hundzuka xana? Hi byihi vukahle bya swona, ku teka xilalelo, u va mutikukumuxi, loko u nga hanyi vutomi ni kuva u nga pfumeli eka Rito hinkwaro ra Xikwembu? U teka xiphemu xa Rona, ku ngari hinkwaro ka Rona, swi kombeta leswaku ku ni swin'wana swi nga hoxeka.

<sup>80</sup> Sweswi, loko hinkwaswo leswi swi humelela, sweswi a hi voneni leswaku ku humelela yini loko Xikwembu, ni nguva ya Xona ni nkarhi wa Xona, a swi tekeriwanga enhlokweni; ntsena ku tekiwa miehleketo ya vanhu.

<sup>81</sup> Vanhu votala va teri eka mina, “Hikokwalaho ka yini u nga ti lahawani u ta khoma nhlengeletano kona? Kunene, ha ku vitana. Sayina *leswi, sweswo*, kumbe *swin’wana*.”

Yimani! Swi nga ha endleke mi swi lava, kambe Xikwembu xona xi ri yini ha swona? Vanhu votala va teri eka mina. . . Ndzi vile ni xirhambu, ndzi vile ni minkonaniso, minkonaniso ya ximunhu ni swin’wana, yi rindzerile ku ringana lembe. Yimani! Xana ndzi nga switiva njhani leswi ndzi faneleke ku swivula ku fikela laha Xikwembu xi ndzi byelaka leswi ndzi nga ta swivula xana? Wa vona, u fanela ku rindzela! Hi xona xi vangelo xa kuva ndzi ku, “Swi tsali sweswo. Mi nge ndzi vona leswi Xona xi swi vulaka.” Wa vona? Yimani! “Lava va rindzelaka Hosi va engeta va kuma matimba lamantshwa.” Hi swona sweswo?

<sup>82</sup> Xiyisisani, va tihlanganisile ntsena ni vaprista va siku lero, va ntivo-vukhongereri, tidinominexini. Nakona xiyisisani, hi ku endla sweswo, ku tihlanganisa na vaprista ni ku tihlanganisa na nhlengeletano, ku ti hlanganisa na vanhu, va swi endlile hi ku hoxeka.

<sup>83</sup> Xiyisisani, areka a yi ri Rito. Ha switiva leswaku hi swona sweswo. Hikokwalaho, areka i Kreste, nakona Kreste i Rito. Wa vona? Areka, kumbe Rito, a ri nga vekiwangi eka yona ro sungula, a yi xiximiwile, ku xiximiwa ka xiyimo lexo sungula. Oho, mi nga hluleki ku swi kuma leswi, kereke!

Hinkwaswo a swi tshamisekile, nakona hinkwaswo a swi languteka swi ri kahle, ku kotisa mpfuxelelo lowukulu lowu wu taka; kambe hikokwalaho ka kuva va hlulekile ku tihlanganisa na munhu wa ntiyiso ha swona! Va ti hlanganisile ni vaprista, va tihlanganisile ni vakulukumba, va tihlanganisile ni va ntivo-vukhongereri, va tihlanganisile ni swiyimbeleri, kutani va kuma hinkwaswo swi ri kun’we hi moya wu ri wun’we, ni nhlangano lowukulu wa swa tinyimpi, nakambe ni swa—swa—swa matimba ya tiko. Hinkwaswo a swi ri eka ntwanano wa nhlengeletano lowukulu, kambe va tsandzekile ku tihlanganisa na Xikwembu. Swi ve tano nile ka Akab, swi va tano nile ka lavan’wana. A ku ri nkarhi wa njhani!

<sup>84</sup> Sweswi mi nga swi hupi leswi. Va hlulekile ku swi kuma, hikuva a va tihlanganisanga. Nakona hi ku endla sweswo. . .Langutani. Hi kuya eka vaprista, hi kuya eka va ntivo-vukhongereri, ni hi kuya eka swa matimba swa tinyimpi, nakona va ngari eku tekeleni enhlokweni hambu murhumiwa wa vona wa Xikwembu wa awara, Nathan, va swi endle hi ku hoxeka. Va yile va ya teka areka va yi veka ehenhleri ka xikocikara lexintshwa, va yi vekela ehenhla ka xikocikara lexintshwa, kumbe, “tidinominexini leyintshwa yi ya eku sunguleni,” nakona ku ngari loyi a nga nyika hi Xikwembu,

loyi a nga na ndlela leyi yi nga xiximiwa ku yi paka. A yi fanele yi pakiwile emakatleni ya Valevhi. Kambe, maswivona, loko u sungula hi ku hoxa, u ta tshamela ro famba hi ku hoxeka.

<sup>85</sup> Loko tlulu ri fanele ku kongomisiwa eka xiduvuriwa, kutani u jeka barele yi ya ehenhla hi gidi rin'we lahawani, ku sungula hi swona, eka majarata ya dzana u sukile hi mune kumbe ntlhanu wa tiinci. U sungule hi ku hoxeka.

<sup>86</sup> O Xikwembu, hi pfuni hi ku tiva swilo leswi hi nga swi sungula hi ku hoxeka, tikhrusedi leti letikulu ta awara leyi, kutani ti vitanisiwa xisweswo. Xikwembu a ku tihlanganisiwanga na xona ha swona. Vaprista ni vanhu va vukhongeri ku tihlanganisiwile na vona. Mihlangano ku tihlanganisiwile na yona. “Kunene, xana u nga ha va na swo *ngere-ngere* xana? Ndza pfumela, loko hi nga va hlengeleta hinkwavo kun'we!” U nga hlengeleni un'wana na un'wana kun'we. Ntsena kuma Rito ra Xikwembu ha swona.

<sup>87</sup> Kutani hi kuma leswaku, loko va endla sweswo, hi kuma leswaku va endla yini? Va ya emahlweni ni nongonoko wa luwa wa khale wa vukhongeri, lowu wu nga ehandle ka Rito ra Xikwembu ni ku rhandza ka Xikwembu. Nchumu walowo wu file, malembe lawa ya nga hundza, swilo swa vona leswi swi nga oma swa malembe lawa ya nga hundza.

<sup>88</sup> Swi omile hi masiku ya Hosi Yesu. A va kalanga va switiva. U teri, “Loko a mi tivile Muxe, a mi tava mi Ndzi tivile, hikuva Muxe u vule leswaku Ndzi le ku teni.”

Va teri, “Va tatana va hina va dyile mana emananga.”

<sup>89</sup> A ku, “Hinkwavo ka vona va file!” “Mabofu,” U va vitanise xisweswo, Vafarisi, varhangeri va swa vukhongeri. “Handle kaloko mi nga pfumela leswaku Ndzi Yena, mi ta fela eswidyohweni swa n'wina.” Kambe a va swi endlaka. A va titshamele eka tindlela ta vona. A va fanele va va na swona hi ndlela leyi yi nga ya vona.

<sup>90</sup> Yaleyoyi hi yona ndlela leyi Davhida a nga swi endlisa xiswona. A ri na swona hi ndlela leyi yi nga ya yena, swingaleswi ntsena u teri, “Ma switiva leswaku ndzi ta endla yini? Hi le ku fambeni.” A ri na nhlavutelo. “Hi le ku fambeni sweswi, swingaleswi hi ta endla ndlela leyintshwa. Masiku ya mahlori ya hundzile, swingaleswi ntsena hi ta tiendlela nhlango wun'wana. Hi ta aka xikocikara xin'wana, hi kombisa leswaku ku sungurile swilo leswintshwa.” I vuprofeta bya vunwa njhani!

<sup>91</sup> Mi fanele ku tlhelela endzhaku hi ndlela leyi Xikwembu xi nga teri mi swi endlisa xiswona. Va yi vekile ehenhleni ka makatla ya Valevhi, kutani sweswo a kuri eka timbilu ta vona. Areka, Rito, a ri fanelanga ri pakiwa ehenhleni ka dinominexini leyintshwa, ehenhleni ka mianakanyo ya munhu

un'wana, kambe embilwini. Rito ra Xikwembu a ri fanelanga ri khomiwa hi tidinominexini; Ri fanele ri khomiwa hi mbilu ya munhu, laha Xikwembu xi nga ha ngenaka kwalahaya xi fika xi ti paluxa Vuxona. Nakona loko a swi paluxa kuya hi Rito, i Xikwembu; loko swi nga ri tano, a swi tano.

Kutani, nakona, Rito ra nguva yaleyo! Hakunene, Mufarisi a nga ha ku, "I mani a nga hi byelaka leswaku hi ngaka hi nga swi endli *leswi* kutani hi endla *sweswo*? Muxe u hi nyikile swileriso leswi."

"Kambe Muxe nakambe u teri. . ."

Sathana u teri, "Hikokwalaho ka yini, swi tsariwile, 'Xi ta nyika Tintsu- . . . ta Xona'"

<sup>92</sup> "Nakambe ku tsariwile," kuvula Yesu.

Nguva, nkarhi! "Loko a mi tivile Muxe! Mi na loyi a nga ta mi avanyisa, Muxe. Loko a mi tivile Muxe, a mi tava mi Ndzi tivile," A ku, "hikuva Muxe u tsarile ha Mina. 'Hosi Xikwembu xa n'wina xi ta mi pfluxela Muprofeta exikarhini ka n'wina, ka n'wina vamakwerhu; loyi mi nga ta N'wi yingisa.'" Loko a va tivile Muxe, a va tava va N'wi tivile.

<sup>93</sup> Sweswi hi vurhon'wana, yingiselani, mi nga swi hupi leswi sweswi. Wa vona, xo sungula, loko va tava va tihlanganisile na vaprista, va tihlanganisile na vakulukumba, va tihlanganisile na swa tinyimpi, va tihlanganisile na nhlengeletano hinkwayo, vamakhelwani, leswaku va hlanganyela kun'we eka nhlengeletano leyi leyikulu leyi yi taka, va tsandzekile ku swi endla hi ndlela ya kahle. A va tihlanganisanga na Xikwembu. Nakona, hi ku endla sweswo, va nga tlheleli endzhaku ku ya vona nkarhi leswaku a wu ku yini!

<sup>94</sup> Oho, makwerhu, yingisa. Hi wihi nkarhi lowu hi hanyaka eka wona? I nguva yihi? I awara yihi leyi hi nga eka yona? A hi wona nkarhi wa swilo leswi va vulavulaka ha swona. Leswi swi nga hundza. Ku avanyisa kule xandleni sweswi. Mi nga ha ku vona loko ku fayeka. Ma ri tsundzuka tamba leri a ri ri entshaveni xana? Awara yo avanyisa! Ma wu tsundzuka nhlavutelo, kumbe xivono xa Mutekiwa xana? Ntsena N'wi vekeni eka xitepe. Mi nga N'wi pfumeleri a huma exitepeni.

Xiyisisani, "Ehenhleri ka makatla ya vaprista!"

<sup>95</sup> Na Davhida ni vaprista hinkwavo, lava hakunene a va fanerile kuva va tivile ku antswa, kambe a kuri yini? Vaprista va nga ha tiva ku antswa. Vatsari, va ntivo-vukhongeri, a va fanele va tivile ku antswa, hikuva Rito ri teri va nga swi endli sweswo.

<sup>96</sup> Nakona namuntlha loko va ha lava ku vula leswaku, "Oho, Yesu Krete a hi yena la nga tolo, namuntlha, ni hilaha ku

nga heriki. Byebyo i vuvabyi byo hlangana nhloko. Sweswo hi *leswi*, *sweswo*, kumbe *swin'wana*." Va hlulekile ku vona Rito ra xitshembhiso. "Oho, rero i siku leri ri nga hundza."

Davhida u teri, "Oho, kunene, sweswi yimani nyana. 'Ehenhleni ka makatla ya—ya vaprista,' sweswo a swi ri swale ndzhaku loko Muxe a ta humelela. Hakunene, hina, hi ta swi veka eka xikocikara xintshwa xa namuntlha. Ndzi na nhlavutelo wa swona."

<sup>97</sup> Vaprista va teri, "Amen, Davhida!" Wa vona, va kuceteriwa hi huvo ya ekhomenikhal ya vona leyintshwa, leswaku hinkwavo va fanele kuva kun'we ni kuva va endla hi ndlela *leyi* ni ndlela *yaleyo*, sweswo hi swona swi nga endla vaprista leswaku va phijeka. A va kalanga va tihlanganisa ni munhu loyi a nga yena. A va swi endlanga kahle, swingaleswi va kumekile va ri ekhomyeni. Ina.

<sup>98</sup> Ndza chava, eka swilo swo tala namuntlha...Loko mudyondzisi lonkulu, un'wana wa lavakulu va Pentekostal, a tava a yimile emahlweni ka ntlawa wa vukhonger i vusiku byin'wana eChicago. A ndzi fanele ndzi va na nhlengeletano ni va Business Men; kambe ndzi ehleketa leswaku ndzi tava eAfrika hi nkarhi walowo, kambe ndzi kumeke ndzi tlhelela endzhaku hi siku leri a wu nga se sungula. Kutani va hlawurile ntlharhi ya Pentekostal, kutani u tlakukile a va byela leswaku mpfumba ra ekhomenikhal a ri ri nchumu wa Xikwembu. Kutani a vula leswaku hinkwavo ka vona va tlhelela endzhaku, hamb i kuri kereke ya Khatholiki yi ta tlhelela endzhaku eka xiyimo xa yona xo sungula, hinkwavo va vulavula hi tindzimi leswaku byi va vumbhoni, ni kuya emahlweni. Nakona va ngari eku switiveni leswaku sweswo a xi ri xirimbana xa javulosi!

<sup>99</sup> Kutani wanuna loyi a ndzi nga n'wi tivi...Nkarhi wun'wana u byala mbewu; a wu swi tivi leswi swi nga ta humelela. Kambe presidente ya Full Gospel Business Men, tani hiloko xipikara lexikulu xi tshama ehansi, a ku, "A ndzi na tingana hi kuvula swilo leswi swi lwisanaka na swipikara swa hina, kambe sweswo a swi hi yona ndlela ley i Makwerhu Branham a nge teri swi ta humelerisa xiswona. Kambe u teri sweswo swi ta hi yisa eka mfungho wa xivandzana."

A ku, "Kambe Makwerhu Branham a nga switivi leswi a vulavula hi swona."

A ku, "Hina hi . . . ha pfumela leswaku u tano." Wa vona?

<sup>100</sup> Nakona eChicago, ndzi ku, "I vangani lahawani va ndzi tsakelaka leswaku ndzi ta ndzi ta nyika xivono xa swona?" Va sungula ku ntlhava mukhosi niku huwelela.

Wa vona, u le ku byaleni ka timbewu; a wu switivi leswi swi nga ta humelela. Ntsena tshamelani ro byala Mbewu. Loko awara yaleyo yi fika, van'wana va vona i . . .

<sup>101</sup> Ku kotisa Thomas, a ri un'wana wo hetelela ku vona Hosi. Kambe, a fanele ku N'wi vona, ku N'wi pfumela. Wa vona, loko va swivona loko swi humelela. Oho, Thomas u ngehenile, kambe a hlwerile nyana.

<sup>102</sup> Loko va vona swilo leswi swi nga bvumbhiwa, niku vula **LESWI HOSI YI SWI VULAKA**, swi humelela, kutani va ri, "Hi nyike man'wana ya Mafurha ya wena." Wa vona?

<sup>103</sup> Kambe sweswi xiyisisani, nkucetelo. Nkarhi wun'wana vanhu va kahle va hlangana kun'we. Ma va twa va ku, "Lonkulu *So-na-so*, na lonkulu *So-na-so*, lonkulu wa hina..." Mi nga swi endli sweswo.

Ku hava lonkulu exikarhi ka hina. Kuna un'we ntsena la nga Un'we lonkulu, nakona ya loye i Xikwembu. Hi vabuti, vasesi. A ndzi na mhaka ni leswaku i mufundhisi wa kereke leyi yi nga na ntlhanu wa vanhu eka yona, sweswo a swi ku tsongahati; sweswo swi ku endla u va makwerhu, wa vona, loko u ri na ntiyiso eka Rito ra Xikwembu. A wu na mhaka ni yini, njhani; a wu vi lontsongo. Xikwembu a xi na vana lavantsongo ni vana lavakulu. Ntsena Xo va ni vana. Hinkwavo va fana.

<sup>104</sup> Xiyisisani, Xikwembu xona hi Xoxe xi huma eka swigotlo swa timhondzo to Kwetsima, leswaku xi va un'we wa hina. Sweswi i mani lonkulu xana? Tekani... A xi tanga ehansi lahawani ku ta teka xivumbeko xa muprista, kambe kuva nandza. Xi hlantswa vumba byebyi Xi nga byi vumba, minkondzo ya vaapostola va Xona ni van'wana. Sweswi i mani a nga lonkulu xana?

<sup>105</sup> Kambe ku kuceteriwa, vavanuna lava a va ri tano. A va kalanga va twisisa. A va ehleketa leswaku swin'wana leswintshwa swi ya eku humeleleni, ee, swin'wana swa leswi Xikwembu xi nga swi vulangiki swi ya eku humeleleni. Va yile eka yona hi ndlela leyi yi hoxekeke.

Byebyo hi byona hinkwabyo vuhiseki lebyi, loko...swi sungule endzhaku lahaya, nkarhi wo leha lowu wu nga hundza, dinominexini yin'wana na yin'wana yi fanele yi va ni muhanyisi wa swa Vukwembu; dinominexini yin'wana ni yin'wana yi fanele yi va ni *leswi*, *sweswo*, kumbe *swin'wana*. Dinominexini yin'wana ni yin'wana yi fanele kuva na Xidavhitani. Un'wana ni un'wana u fanele a va ni *leswi*, *sweswo*, kumbe *swin'wana*. Ma swi vona leswi swi humelelaka xana? Ku endleke swo fana ni leswi swi nga endleka kwalahawani. Swo fanana. Nkucetelo!

<sup>106</sup> Rito ra nguva, nkarhi lowu a va hanya eka wona, wu tsan'wiwile.

<sup>107</sup> Xiyisisani, "makatla ya Valevhi," a ya ri yo sungula, ya ndlela leyi yi nga nyika hi Xikwembu yo endla swilo. "Pakani areka ya leyo eka makatla ya Valevhi." Hinkwaswo leswi a swi

ri ehandle ka sweswo a swi ri leswi swi hambanaka. Leswi Xi nga swivula, hi leswi a Xi swivula. Xikwembu xi ngaka xi nga ncinci. Hi xona xivangelo xexo, tshamani na Rito ra Xona! Ndzi na Tsalwa, ina, Tikronika to Sungula 15:15, loko u lava ku swi tsala sweswo. Xiyisisa.

<sup>108</sup> Sweswi xiyisisani, kwalahaya, hi ku landza Xikwembu. Sweswi ndzi mi lava mi va ni maendlelo yo tsala leswi emiehleketweni ya n'wina. Ku hlayisa milawu ya Xikwembu, ku endla hinkwaswo swa kahle swa Xikwembu, ku endlela—endlela Xikwembu ntirho kahle, ku ni ntlhanu wa leswi swi bohaka, ku endla ntirho wa Xikwembu hi ku hetiseka.

<sup>109</sup> Sweswi Davhida a ri eku endleleni ka Xikwembu ntirho. A ri ku endleni hinkwaswo leswi a swi tivisaka xiswona ku swi endla, handle ka kuva a siya Xikwembu etlhelo. Wa vona? A ri eku endleni ka swin'wana leswi swi nga kahle, swin'wana swa kahle eka vanhu, swin'wana swa kahle eka kereke.

<sup>110</sup> Kambe ku na swa ntlhanu leswi swi nga swiboho. Ndzi mi lava mi swi tsundzuka leswi. Swi nga ri na mhaka ni leswaku munhu u tshembheke njhani eka ku swi endla, ku endlela Xikwembu ntirho, leswi, leswi swa ntlhanu swi boheka ku va kwalahaya.

Xosungula, ku fanele kuva kuri nkarhi wa Xona wo swi endla.

<sup>111</sup> Ku nga humelela yini loko—loko Muxe a nga ta, a ku, “Hi ta aka ngalava leyi nga ta papamala eNile, kukotisa leswi Nowa a swi endleke”? Nkarhi wa Nowa a wu ri Wa kahle eka ngalava, kambe ku nga ri nkarhi lowu.

<sup>112</sup> Ku nga humelela yini loko Yesu a nga ta, a ku, “Sweswi Ndzi ta mi byela leswi hi nga ta swi endla. Ntsena hi ta gonya ehenhla entshaveni, tani hilaha Muxe a swi endleke, kutani hi ya kuma xihlambanyo lexintshwa xa milawu”? Wa vona? A haa! A ri nawu wona walowo. Wa vona?

<sup>113</sup> Mi boheka kuva eka nkarhi wa Yena. Swi fanele swi va eka nguva ya Yena. Ma swi kuma sweswi xana? Swiboha kuva hi nkarhi wa Xona. Swiboha kuva hi nguva ya Xona, nkarhi na nguva.

<sup>114</sup> Nakona swi fanele kuya hi Rito ra Xona leri ri nga vuriwa. Swa boha. A ndzi na mhaka ni leswaku u swi vula kahle njhani *leswi* a swi fanele kuva xiswona, kumbe *sweswo* swi fanelaka kuva xiswona, kumbe *leswi* swi fanelaka kuva xiswona. Swi fanele ku ya hi Rito ra Xona; ku ya hi nkarhi wa Xona na nguva ya Xona.

Nakona swi fanele swi nyikiwa ku ya, hi munhu loyi Xi nga n'wi hlawulela ku swi endla.

<sup>115</sup> A ndzi na mhaka ni leswaku i vangani vakulukumba. A kuri na hosi Davhida, ntsena a ri lonkulu ku kotisa un'wana

na un'wana wa vona. A ri hosi ya tiko. Kambe a Xi ri na ndlela yo swi endla, nakona Xi va byerile hilaha Xi nga ta swi endlisa xiswona. Kambe va hlulekile ku swi endla.

<sup>116</sup> Swiboha kuya hi Rito ra Xona; kuya hi nkarhi wa Xona, kuya hi nongonoko wa Xona.

<sup>117</sup> Kutani swiboha kuya hi munhu loyi Xi nga n'wi hlawula leswaku a swi nyika kumbe ku swi endla. Muxe u ringetile ku swi balekela, "A teka un'wana." Kambe Xikwembu xi hlawurile Muxe ku swi endla. Votala va vona; Paul u ringetile ku huma eka swona; ni votala van'wana. Kambe swi fanele kuya hi un'wana loyi Xi nga n'wi hlawulela ku swi endla.

Nakona swi boheka kuta, ku sungula, eka vaprofeta va Xona. Rito ra Xikwembu ri boheka ku ta eka vaprofeta va Xona. Amos 3:7, "Hosi Xikwembu xi ngaka xi nga endli nchumu ku kondza Xi Ri paluxela nandza wa Xona ku nga muprofeta." Xa vumune.

<sup>118</sup> Nakona muprofeta u boheka ku tiyisisiwa hi vumbhoni bya Rito ra Xikwembu.

<sup>119</sup> Hi swona swiboho swa ntlhanu swa n'wina. Swi fanele kuya hi ndlela yaleyo. Nkarhi wa Xona, nguva ya Xona, loko Xi teri swi tava tano; ni wanuna loyi Xi n'wi hlawulaka; nakona swi boheka ku ta eka muprofeta; nakona muprofeta u boheka kuva a ri muprofeta loyi a tiyisiweke hi vumbhoni. Hi kuma leswaku, votala va vona eBibeleni, swi ta eka vaprofeta nakona a swi kalanga swi tiyisiwa hi vumbhoni. Muprofeta wa hina i Yesu Kreste.

<sup>120</sup> Swingaleswi sweswi xi yisisani, wa vona, Xikwembu a xi kalanga xi va paluxela nchumu hi ndlela leyi Xi nga yi nyika yo endla swilo. Va amukerile ndlela ya Davhida. Va amukerile tindlela ta vaprasta. Va amukerile ndlela ya vatsari, va ntivo-vukhongeri, kambe yi nga ri ndlela ya Xikwembu. Nathan-ael, a ri tano, a ri muprofeta wa siku lero. Endzhaku nyana, Nathan-ael u va byele hilaha swi endlwaka hakona. Kambe, wa vona, va swi endlile handle ka kuva va tihlanganisa na Nathan-ael. Ku hava na rito leri ri nge Nathan-ael va tihlanganisile na yena. Nkucetelo hinkwawo, nchumu hinkwawo wu ya emahlweni! Nakona, mina, ndzi ehleketa hi risimu lero, "A hi, hlayseni. . ."

Ndzi pfune, Hosi, loko timbilu tipfurha,  
 Ndzi pfumeleli ndzi titsongahata hi  
 vutinyungubyisi bya mina (ku famba na  
 votala va vona), ntsena ndzi huwelela Vito  
 ra Wena;  
 Ndzi dyondzisi leswaku ndzi nga tshembheli  
 eka leswi van'wana va swi endlaka,  
 Ntsena ndzi rindzela hi xikhongelo eka  
 nhlamulo leyi yi humaka eka Wena.

Wa vona, yaleyo hi yona ndlela swi nga xiswona. Ndzi pfumeleli ndzi swi vona swi humelela hi ndlela leyinene, kutani swi pfumeriwa.

<sup>121</sup> Sweswi, Xikwembu xi va paluxerile nchumu ha Davhida, ni hi va vuli va rito, ni hi vanhu, ni hi vakaptein va magidi, ni vakaptein va madzana, kambe ku nga ri hi Nathan-ael loyi a ri ni LESWI HOSI YI SWI VULAKA. Nakona Hosi yi teri a Yi nge endli nchumu kufikela laha Xi kombisaka muprofeta wa nguva, ku sungula, ku swi endla. Ma swi vona leswi va swi endleke xana? Va fambile va kongoma va huma eRitweni ra Xikwembu, va yile va ya rhwala areka hi xikocikara lexintshwa. Wa vona? Swingaleswi va fambile va ya swi endla swi ngari eka xiphemu xa ku lerisa ka Xikwembu ni ndlela leyi yi nga nyikiwa hi Xikwembu.

Kutani sweswo hi leswi swi humelelaka namuntlha, vanghana. Xexo hi xona xivangelo xa kuva hi ri ni tikhrusedi letikulu to tala, nikuya emahlweni, nakona ku ngari na mbuyelo. Ku ni vugwinihi byo tala, vudyoho byo tala, byo tala...Ndza mi byela, tiko leri ri fambile; ku ngari tiko leri ntsena, kambe ni matiko laman'wana. Tiko leri, ku kotisa Nghilandhi ra nguva yin'wana, a ri ri ngwavavani yo tlula matiko hinkwawo.

<sup>122</sup> Ndlela yo ya eMozambique, mune wa madzana na makume nhungu wa timayili kusuka eka nhluvuko, emakhwatini, swihlangi leswi swi baka tibiti hi nhamu swi yingisela Elvis Presley, va ri karhi va tlakusa tinhloko ta vona niku tlula tlula ehenhla nile hansi tani hi sweswo, vusiku hinkwabyo, ni ku tshama...Kumbe, tisete letintsongo to kotisa teto ti ta koka kuringana gidi ra timayili, ti dewulela eRhodesia, ku ya kuma Elvis Presley. Kutani hambi swi ri tano va ri, "Wa khongela na yena, yena na Pat Boone, na vona." Hikokwalaho ka yini, hi yena Yudas wa awara, nakona a nga swi tivi. Xexo i xiphemu xo biha, va pfumela leswaku va—va lulamile.

A nga vulanga Yesu eka Kereke leyi ya Nguva ya Laodekiya leswaku, "A wu ambalanga, i mupfumari, u ni khombo, u bofu, nakona a wu swi tivi"? A wu swi tivi!

<sup>123</sup> Kunene, vana va Pentekostal ehansi eAfrika ni hinkwako, va ri, "Kunene, Elvis Presley, u yimbelela ku saseka loku wo ka u nga se tshamaka u ku twa." A swi kanakanisi ni leswi Davhida a nga swi endla, na yena; a swi kanakanisi ni leswi vayimbeleri va nga swi endla, kambe swi vangile rifu leswaku ri hlasela nkamba. Ma ku vona laha va nga kona, hi le kwihi namuntlha, vanghana?

<sup>124</sup> "Makatla ya Valevhi," a kuri ndlela ya Xikwembu yo sungula yo swi endla. Kutani va yi vekile eka xikocikara

lexintshwa. Sweswi, swi ngaka swi nga tirhi. A va kalanga va tihlanganisa hi ndlela leyinene. Wa vona? Swingaleswi va humile, eka yona, kutani va ya eka yona hi ndlela yo hoxeka.

<sup>125</sup> Kutani sweswo hi leswi swi humelelaka namuntlha. Loko vavanuna, swi nga ri na mhaka ni leswaku u tshembheke ku fika kwihi, va ringeta ku Xi endlela ntirho ehandleni ka ndlela ya Xona leyi xi nga yi nyika ya ku swi paluxa, minkarhi hinkwayo va swi hupa. Xikwembu xi swi veke hi ndlela ya Xona. Vanhu, a swi na mhaka ni leswaku mi tshembheke njhani, mi ringeta ku swi endla ehandleni ka sweswo, mi ta—mi ta swi hupa.

<sup>126</sup> Swin'wana swo kotisa leswi Balaam a ri xiswona, hi siku ra Balaam. Xikwembu xi byerile Balaam, muprofeta yaloye. A ri muprofeta, Balaam wa muprofeta. A ri muprofeta, kutani Rito ri tile eka yena hakunene, ri ku, “U nga yi ehansi lahaya. Valava hi lava Ndzi nga va pambula. I ku hlawula ka Mina.”

Kutani Balaam a ya kumeka ni vakulukumba, vavanuna va swa tinyimpi, vachumayeri, vavanuna va nkucetelo, kutani a ku, “Kunene, ndzi—ndzi ta mi byela, hosi yi ta . . .”

Wa vona, ntsena swa fambelana na Davhida, swa fambelana ni namuntlha. Ntsena tekani hinkwaswo swi va xifanekiso, kutani mi ta swivona. Ma swi vona xana? Mi nge, “Amen.” [Nhlengeletano yi ku, “Amen.”—Muhleri.] Wa vona, wa vona, ntsena ku kotisa loko swi ri sweswi.

<sup>127</sup> Kambe vafundhisi va teri, va—va—va vaprasta va teri, vatsari va teri, va ntivo-vukhongeri va teri, “*Leyi* i ndlela leyi ku fanelaka ku endliwa hi yona.” Kambe, a swi nga ri tano, nakona swa khorwisa leswaku a hi swona.

<sup>128</sup> Kutani Xikwembu xi byerile Balaam, nakona a ri muprofeta, xo sungula, Xi n'wi byerile, “Leswaku a nga yi.”

<sup>129</sup> Kambe nkucetelo wa vavanuna lavan'wana wu n'wi vangele leswaku a endla swilo leswi swi hambanaka ni leswi Xikwembu xi nge teri a swi endla, nakona swive ndzhukano ematshan'wini ya mpfuxelelo. Oho, hakunene, u rhelele ehansi lahaya a ya dyondzisa vanhu, a ku, “Sweswi yimani! Ma swi tiva leswaku i yini?” A ku, “Hi va—va Mowabu. Ma tsundzuka, nhwana wa Lot i hosikazi ya hina. Hi yena xihluke xa hina. Hinkwerhu hi va ngati yin'we. Hinkwerhu hi va . . . Hinkwerhu hina ma tidinominexini hi van'we.” Mi nga katsani ni swilo sweswo. Fambelani ekule ni kwalahaya. Wa vona? Swingaleswi u teri, “Hinkwerhu ha fana. Hikokwalaho ka yini, n'wina vanhu mi kotisa vanhu va mina. Hi nga ha tekana, un'wana exikarhi xa van'wana, swingaleswi hi nga hava na huvo ya ekhomenikhal. Wa vona? Hinkwerhu ka hina hi nga ha va kun'we hi tlhela hi vuyela eka nchumu wo sungula nakambe.”

Xikwembu xi rhukane nchumu. Vudyoho byebyo a byi kalanga byi rivaleriwa eka Israel. Byi tshamile na vona masiku ya vona hinkwawo. A byi kalanga byi rivaleriwa. Va lovele emananga na byona. Hi swona sweswo. Hikuva a va kalanga va teka ndlela leyi yi nga nyika hi Xikwembu hi ndlela ya Xona leyi yi nga na vumbhoni lebyi tiyeke byo swi endla.

<sup>130</sup> Xiyisisani, nchumu lowu va nga wu endla wu vangerile Israel leswaku ri fa rifu, emananga. Kutani Yesu u teri, “Hinkwawo ka vona va lovile va fambile.” Langutani loyi a yimile na Muxe endzhaku lahaya, Yoshuwa na Kaleb, eka—eka nongonoko.

<sup>131</sup> Xiyisisani nakambe, hi loyi Davhida, leswi a nga swi endla. Kutani loko a tava a swi endlile, byi endle yini xana? Byi vangile rifu leri ri nga ba ni munhu wo tshembheka.

Sweswi, ndza pfumela leswaku ha ha khweketiwile, nakona ndzi mi lava leswaku mi yingisela hi ku rhendzeleka hi matiko.

Nchumu lowu Davhida a nga wu endla, handle ka kuva a tihlanganisile na Nathan-ael kutani a kuma Rito ra Hosi eka swona, swi vangile rifu laha ri nga ba vanhu vo tshembheka. Ina, nkulukumba. U rhangisile voko ra yena emahlweni, leri a ri hanya evukoneni bya areka; yi hume hi le ndlwini ya—ya yena. Kutani rhole ri phihiwa, areka yi wa.

<sup>132</sup> Khale va endlile nchumu wun’we lowu wu nga hoxeka, swilo swimbirhi leswi swi nga hoxeka. Xo sungula, a va kalanga va tihlanganisa na Nathan-ael. Lexi xi landzelaka va nga xi endla, va rhelerile lahaya va nga tihlanganisanga na Rito ra Xikwembu. Laha, ku... Samuel a ri Rito ra siku lero... Nakona a nga kalanga a tihlanganisa na Rito ra Hosi. Kutani, loko va swi endlile, va fambe va hambana na Rito ra Xikwembu.

Kutani lahawani wanuna loyi wa kahle, loyi a ri muhlayisi, a ri bishopo, u ehleketile, “Kunene, lahawani, a ndzi swi lavi leswaku Xikwembu xi yisiwa ehansi,” swingaleswi u thandlekile voko ra yena eka areka. Laha, a nga ri Mulevhi, hiloko a fa. Swilo swinharhu!

<sup>133</sup> Sweswi ehleketani swinene, kutani mi languta leswi swi nga endla hi tidinominexini namuntlha. Wa vona, va Ri tekele ehansi, va Ri vitana “dyondzo ya vunwa.” Wa vona? Langutani laha va nga kona sweswi. Va ta kuma huvo ya vona ya ekhomenikhal, hi swona. Va Ri vitane “ku hlangana nhloko,” loko Xikwembu xona N’winyi xi Ri tiyisa hi vumbhoni leswaku i Ntiyiso, ni kuva xi Ri khorwisa leswaku ri Ntiyiso. “Oho, vo va ntsena xintlawana xa vutlharhi lebyi nga tatiki na xandla kwalahaya,” va ri, “a wu switivi leswi va vulavulaka ha swona.”

Hi swona sweswo, a hi switivi. Kambe ntsena hi vula Marito ya Xona, nakona Xa switiva leswi Xi vulavulaka ha swona, wa vona. A ndzi nge swikoti ku Ri hlamusela, ku hava ni un'wana loyi a nga swikotaka, kambe Xona—Xona—Xona xa Ri khorwisa.

<sup>134</sup> Sweswi xiyisisani. Votala va pfumeri va namuntlha, lava va taka eka Kreste, u lava ku ta hi mbilu ya yena hinkwayo, swi dlaya ximoya hi ndlela yi ri yin'we. Vanhu votala vo tshembheka va ya eka kereke ya Khatholiki nakona va lava kuva Mukreste, va ya eka Methodist, Baptist, church of Christ, nakona hambi kuri Mapentekostal, wa vona, kutani va lava kuva Mukreste, u tlhandleka voko ra yena eka yona, a joyinana na vona.

<sup>135</sup> Kutani loko Dayhida a vona swilo leswi loko swi humelela, swi n'wi pfuxile. U nga hlweli ngopfu ku pfuka kwalaho, makwerhu. U ri vonile rifu lero leswaku ri bile.

Ndzi kombe mbuyelo. Hikokwalaho ka yini leswi swi vitaniwa mpfuxeledlo, swi tlherisela vanhu etikerekeni, swi endlile eka tiko, eka—eka miri wa vapfumeri? A swi nchumu handle ka kuva swi endla minhlango na tidinominexini, ndlela hinkwayo, swirho swo tala ni kuya emahlweni. Xana tiko ra antswa xana? Va vule leswaku va ya eku endleni ka . . .

<sup>136</sup> “Amerika. Xikwembu a xi katekisi Amerika. Ri—ri tiko, i rixaka ra Xikreste.”

Ri le kule ku ringana miliyoni wa timayili kuva ri ri rixaka ra Xikreste. A ndzi ri khongeleri hambi kuri ku ri khongelela. Ndzi nga ri khongelela njhani, nakona ri nga ri eku hundzukeni ehansi ka ntamu wa matimba ya Xikwembu lawa ya nga kombisiwa emahlweni ka rona; niku tsan'wa, niku Ri pfalela timbati, niku hambana na rona xana? Ndzi ri bohile eka Xikwembu. Kutani ra ha fambela ekule. Kutani sweswi ri ya eku mbombomeleni. Ntsena hlalelani leswi nga ta humelela.

<sup>137</sup> Vanhu votala vo tshembheka vaya va ya joyina nhlango, kumbe ntlawa, kumbe vandla ra maendlelo yan'wana, nakona kwalahaya va fa, eximoyeni. A wu nga va byeli nchumu. Va kuma xitafu xexo xi borherhiwile eka vona, “Hikokwalaho ka yini, hikuva vabishopo lava va vula leswi. Nakona *lava* va vula leswi, *lava* va vula leswi.” Wa va komba lahawani eka Rito ra Xikwembu laha ku nga ni LESWI HOSI YI SWI VULAKA. “Kambe mufundhisi wa hina . . .”

A ndzi na mhaka ni leswi mufundhisi wa n'wina a swi vulaka, u ngavi na mhaka ni leswi ndzi swivulaka, kumbe swin'wana leswi swi vulaka hi un'wana. Loko swi hambana ni Rito ra Xikwembu leri ri nga tiyisiwa hi vumbhoni, ra awara, ra nkarhi, ra Hungu, ni kuya emahlweni, swi rivali. Fambela ekule na swona. Nakona ndzi fanele ku yima emahlweni ka un'wana na un'wana wa n'wina hi Siku ro Avanyisa, nakona

ma swi tiva sweswo. Nakona vantsongo va ta vula sweswo, hi ku tiva leswaku ndzi mukhalabya sweswi. Ndzi ta... A swi yi hi ku ndzi tiva swin'wana, kambe Xona xa switiva. Ntsena ndzi landzelela leswi Xi swi vulaka.

<sup>138</sup> Langutani namuntlha eka tikhrusedi letikulu leti hi ngava na tona ku rhendzeleka ka tiko. Swi kambisisiwile leswaku a ti ri ta hava. Nakona Yesu a nga swi vulanga lahawani sweswi, Luka 7:7, "Va Ndzi gandzela hi swa hava"? Hi swa hava Davhida u vuyisa areka. Hi swa hava Akab u letela vaprofeta va vona. Hi swa hava Balaam u teka mali ya leyo. "A dyondzisa Dyondzo leyi yi nga ku lerisa ka vanhu." I milawu ya Xikwembu leyi yi hlaiywaka, swi ngari na mhaka leswaku byi njhani vudyo- . . .

<sup>139</sup> "Vanhu va vona va tshembheka hakunene." Ma swi tiva sweswo hi vuningi, "Va tshembhekile." Sweswo a swi vuli nchumu. Jehovah Witness, Seventh-day Adventist, ni hinkwawo mavandla lawa, va suka lahawani va ya exitarateni va ya endla swilo leswi un'we wa hina a nga taka a nga swi endli. Makhatholiki ma yima hi khona ma kombela, ni kuya emahlweni, swileriso leswi swa yona tani hi sweswo, nakona swi durha mabilyoni ku andzisa hi mabilyoni ku andzisa hi mabilyoni ya tidolar, hambi swi ri tano va ha swikombela. Hi ku tshembheka, va nga kanakani. Tikereke tiya ti ya—ya chumayela, ni kuya emahlweni, ni vaministara va yima ephulphitini niku endla hinkwaswo leswi va nga swi endlaka leswaku va kota ku kuma swirho leswintshwa eka kereke ya vona; kambe i areka leyintshwa.

Kova ni Areka yin'we ntsena leyi nga landzeleriwaka, yaleyo i, Rito ra Xikwembu. Xin'wana na xin'wana lexi xi hambanaka na Areka yaleyo, fambela ekule na xona! Yi le ka xikocikara lexintshwa, ku nga ri emakatleni ya Xikwembu. Hi swona. Fambelani ekule ni nchumu walowo. Mi hava lexi mi nga xi endlaka ha wona.

<sup>140</sup> Tikhrusedi ta hina letikulu, mabilyoni na mamilyoni ya tivurile swidyoho. Kutani ndza kanakana loko ku ngava na dzana ra vona, eka yona hinkwayo. Wa vona, a yi kalanga yi va nchumu.

Kutani langutani eka Rito ra xitshembhiso.

<sup>141</sup> U ta ehleketa hi sweswo swi nga feyila, nakona ha switiva leswaku swi feyirile. Van'wana va lavakulu va hina va—va mi mpfuxelelo etikweni namuntlha va vula leswaku i ku hlamula loku ku nga feyila. Kereke ya switiva leswaku swi feyirile. Un'wana na un'wana wa switiva leswaku swi feyirile. Kunene, hikokwalaho ka yini swi ri tano? Hikokwalaho ka yini swi feyirile xana?

A yi ri ya xikongomelo xa kahle. A yi fanele yi tisa vanhu eVukoneni bya Xikwembu, tikhrusedi letikulu. Nakona

mamiliyoni ya vanhu va tirhisa timali ta vona, kutani va ti hoxa eka tikhrusedi letikulu. Ni tikereke hinkwato ti famba kun'we, ti dithoriyamu letikulu, ni swilo leswikulu, ni swilo leswikulu leswi swi humeelaka. Hikokwalaho ka yini swi feyila? Swi hikokwalaho ka kuva va nga yi tivi awara leyi a va hanya eka yona.

A swi hlamarisi loko Yesu a tava a yimile, kutani A rila embilwini ya Yena. Mihloti yi rhelela hi marhama ya Yena, kutani A ku, "Yerusalema, O Yerusalema, Ndzi nga ku hlengeletisa ku yini ku kotisa huku loko yi hlengeleta swiciwana swa yona ehansi ka timpapa ta yona. U khandlile muprofeta un'wana ni un'wana loyi Ndzi n'wi rhumeke eka wena. Kambe mi arile. Kambe sweswi nkarhi wa n'wina wu fikile."

<sup>142</sup> Xana a mi wu twi Moya wo Kwetsima lowu wu huwelelaka wu huma eka n'wina ke? "Oho, United States ni misava, A ndzi fanele ndzi mi hlengeleta njhani, kambe a mi nge swikoti. Sweswi awara ya n'wina yi fikile. Xikwembu nyana xa n'wina xa ku tiphina, xikwembu nyana xa n'wina xa thyaka, xikwembu nyana xa Sodoma na Gomora ra n'wina, xi tile exikarhini ka n'wina." Hambi kuri swivanani swa hina, ti hekhati ta vona ta swifufunhunhu na tibangs ta vona ku rhendzeleka hi swikandza swa vona, niku hundzuluxa kuntsongo loku ku nga sungula. Vavasati va hina va fambile. Swi le tlhelo ka ku ponisiwa. Vavanuna va hina va vile va vavasati lavakulu, va jikajika ni leswintsongo, niku tipendapenda kuntsongo, ni maendlelo yo kotisa nhwenyana, ni misisi leyi yi nembelelaka ehansi etinhan'wini ta vona. Kutani hi va Masodoma, nakona ndzilo ni vukarhi bya Xikwembu swi hi rindzerile.

<sup>143</sup> Maswitiva leswaku Xi ta dlaya njhani, hilaha Xi nga ta ri hlasela hakona? Ndlela leyi Xi yi tirhisaka minkarhi hinkwayo. Loko ngwavavani yi endla swin'wana leswi swi nga hoxeka, a yi khandliwa hi maribye yi fa; va rhwalerile maribye yo dlaya wansati loyi a ri ngwavavani. Sweswo hi leswi Xi nga ta dlayisa xiswona kereke. Bibe leyi teri Xi ta nisa xihangu xa maribye lawa ya humaka ematilweni, leri ri nga ta tika dzana ra tipondzo hi xiphemu, kutani Xi ta va fayelega. I mani loyi a nga ta Xi yimisa xana? I sayense yihi leyi nge a swi nge endleki? Xi ta swi endla.

Kufana ni loko Xi tava xi akile ngalava yi papamerisa Nowa leswaku a hlayiseka, Xi ta swi endla nakambe eka Kereke ya Xona.

Kutani hi milawu leyi yi nga ya Xona N'winyi ni ndlela leyi yi nga ya Xona N'winyi, Xi ta faya ngwavavani yaleyo yi nga oswa ni tihosi ni vakaptein vamadzana ni magidi. Xi ta n'wi

faya a fa, hi milawu leyi yi nga ya Xona N'winyi leyi Xi nga yi veke hi oda. I mani loyi a nga ta Xi byela leswaku Xi nga endli ribye ra xihangu?

<sup>144</sup> Vutisa un'wana loyi a swi tivaka leswaku thonsi ra mpfula ri sungula njhani. Nakona ri endla xirhendzevutani, nakona ri tlhelela endzhaku eka thabo; ri ya teka yo tala na yo tala na yo tala, kufikela laha ri kumaka ku tika kun'wana, kutani ri wela ehansi.

Xona, Xikwembu, Lexi...gravhithexini yi ngaka yi nga Xi khomi hambu kuri ku xi khoma emisaveni, nakona Xi ti tlakusele ehenhla eTilweni. Xikwembu, laha ku nga Xona xi endleke gravhithexini, xi nga ha endla thabo yi va leyikulu ku enela ku dewurisa ribye ku kondza laha ri tikaka dzana ra tipondho. Xi teri Xi ta swi endla, nakona Xi ta swi endla. I mani loyi a nga ta Xi byela leswaku xi nga swi endli xana? Xi ta swi endla, hikuva Xi teri Xi ta swi endla.

<sup>145</sup> Hi le masikwini ya le makumu. Hi yimile ekusuhi niku avanyisa. Hikokwalaho ka yini? Va le ku ringeteni ka ku dya mana ya khale lawa ya nga wa endzhaku halahaya makume ntlhanu wa malembe lawa ya nga hundza, kereke ya Pentekostal. Kereke ya Holiness yi ringeta ku, swi endla kutlula madzana mambirhi ya malembe lawa ya nga hundza. Malutheran, kwalomu ka madzana manharhu, kumbe kutlula, wa malembe lawa ya hundzeke, malembe yo tala lawa ya nga hundza. Va le ku ringeteni ka ku dya mana ya khale. Oho, makwerhu, xitafu xexo i mati yo yima. Xi nyamisiwile. Xi ta...Xi na—xi na...Hikokwalaho ka yini, ndzi tshamela ro vula leswaku, swa mincila swa vana va tinsuna eka xona, swivungwana. Swi ta mi dlaya, loko mo swi dya.

<sup>146</sup> Lavisisani loko Davhida kumbe loko un'wana wa vona a nga va a tihlanganisile na Xinkwa xa awara yaleyo.

Loko vaprista, ni vaprofeta, ni vadyondzisi, ni va ntivo-vukhongereri, ni swikolo, ni tidinominexini, va ngava va tihlanganisile na awara! Kambe sweswi a swi nge va endleli swa kahle. Yi humile yi ya ehandle. Yi ngaka yi nga ha pfuni ni swintsongo. Wansati u fambile sweswi. U tsemakanyile ntila walowo kwalomu ka ntlhanu wa malembe lawa ya nga hundza, exikarhi ka ku hundzuka, ku avanyisa ni tintswalo.

<sup>147</sup> Xiyisisani, kuna yini kwalaho? Ku nga endliwa yini? Hi xihhi lexi xi nga endliwaka? A hi tihlanganiseni na muprofeta, ku nga Bibele, laha hi nga taka hi nga engeteri kumbe ku hunguta eka Yona. Loko hi swi endla, Xikwembu xa hi susa eka Buku ya Vutomi.

Bibele yi teri, eka Malakiya 4, kuta humelela yini eka siku leri. Nhlavutelo 10, hilaha Swilemo Swa Nkombo swi nga ta pfuriwa hakona niku paluxa swihundla leswi a swi tumbetiwile eka varhifoma lava! Xi vule hilaha swi nga ta endliwa hakona.

Swi le Bibeleni, LESWI HOSI YI SWI VULAKA. Xikwembu xi hetisisile, hi ku hetiseka ku swi xakahata sweswo; ni ku Swi tiyisisa leswaku swi Ntiyiso, hi masingita, swihlamariso ematilweni, eswibakabakeni, ni hinkwaswo, ku ringana makume nharhu-nharhu wa malembe.

Mi ehleketa leswaku va Swi yingisela xana? Ee. Va file. Va tlhandlekile mavoko eka swin'wana leswi swi nga dlaya nchumu hinkwawo. Ee, a swi nge koteki; a swi nge koteki, a swi nge he pfuki swive kona.

<sup>148</sup> Hiloko nchumu lowu wu humelela, lowu Davhida a nga wu vona. O Xikwembu, hi rhumele Davhida loyi a nga ta kota ku vona laha a nga yima kona, loyi a nga ta kota ku languta ehandle a vona Xikwembu loko xi endla xitshembhiso xihi, hilaha Xi nga ta swi endla namuntlha. Xikwembu xi swi vurile kona kwala eRitweni ra Xona, hilaha Xi nga ta endla hakona.

<sup>149</sup> Xikwembu xi byerile Mikiya. Mikiya u kambele xivono xa yena emahlweni ka mune wa madzana wa vaprofeta lavakulu. U kamberile xivono xa yena ku vona loko xi ri entiyisweni. U langute endzhaku eka leswi muprofeta a nga swivula emahlweni ka yena, ku vona leswi swi humelelaka. U langutile endzhaku, nakona u vone Eliya a yimile kwalahaya, a ku, "Akab, timbyana ti ta nantswa ngati ya wena, na wena." Sweswi, u swivonile leswaku xivono xexo a xi hetisekile kuya hi leswi Rito ra Xikwembu ri nga xiswona, hiloko a xi tivisa. Nakona a ri entiyisweni. Hi swona. Swi nga ri na mhaka ni leswaku lavan'wana va ri yini, a tshama na Rito lero.

<sup>150</sup> Sweswi a hi languteni eka xivono lexi hi nga na xona namuntlha. Xi aka tikereke xana; a hi xa swilo leswintshwa; a hi xa swilo leswikulu leswi swi nga ta humelela xana? Kumbe, i xa ku avanyisa xana? Langutani endzhaku mi vona xitshembhiso xa namuntlha, mi vona leswaku hi hanya eka nguva yihi.

<sup>151</sup> Mi ri, "Kunene, Xikwembu a xi katekisi, makwerhu, ndzi tshembhekile. Ndzi joyina kereke. Ndzi na tibachela ta vutshila. Ndzi endle *leswi*." Hi swona sweswo, swi kahle sweswo, ku hava leswi swi lwisanaka na swona; a swi ri tano nale ka Davhida, a swi ri tano nale ka vaprasta va siku lero, a swi ri tano nale ka va ntivo-vukhongeri. Kambe a swi hambana na Rito.

<sup>152</sup> Xikwembu xi vule hilaha Xi nga ta swi endla hakona namuntlha, nakona hilaha Xi nga ta tlherisela hakona hinkwaswo, leswi Xi nga ta tlhela xi swi endla nakambe. Xi tshembhisile ku tlherisela. Sweswo hi swona hakunene. Eka Yoel 2:28, Xi tshembhisile ku tlherisela. "Ndzi ta tlherisela," ku vule Hosi, "hinkwawo malembe lawa timherha ti nga dya." Va vile ni vu-. . . Wa vona, xexo xa harhi xivungu xin'we; xi va xiri eka nkarhi wo hambanana wa vutomi. Kutani loko

Vukhatholiki byi sungurile ku dya, ku ta Lutheran, na Methodist, na Mapentekostal, ni hinkwavo, kuya ehansi; Xi ku, “Ndzi ta tlherisela hinkwaswo swi tlhelela eKerekeni ku kotisa leyi a yi ri kona eka ndhawu yo sungula.”

<sup>153</sup> Ndzi hlalerile xivono vusiku byin’wana. Hakunene kuri Mutekiwa yaluya a taka hi tlhelo *leri*, a ta hi tlhelo *leri*. Endzhaku kaloko tingwavavani ti tava ti hundzile na magaweni ya tona, swilo swa khale swa vona swi ri ehenhla hi ndlela *leyi*, kutani va ri eku denseni hi rock-and-roll, nakona va ri karhi va tivitana Kereke.

Mi ri, “Kunene, a hi swi endli sweswo.”

Yaleyo i ndlela leyi Xikwembu xi mi vonisaka xiswona. A swi yi hiloko wena u ti vona hi wexe. Swi hi ndlela leyi Xikwembu xi ku vonisaka xiswona. Ku hava munhu loyi a ti vonaka xihoxo yena hi yexe. Loko u languta eka xivoni xa Rito ra Xikwembu, Ri ku byela loko u hoxile kumbe u nga hoxanga. Loko Davhida a lo endla sweswo, a tava a vonile ku hoxa ka yena. Loko Akab a lo endla sweswo, kumbe vaprofeta va vona loko a va lo endla sweswo, a va tava va ti vone va hoxile.

<sup>154</sup> Muprofeta loyi a nga tiyisisiwa a ku, “Akab u ta fa, nakona timbyana ti ta nantswa ngati ya yena.” Kutani vuprofeta bya yena a byi famba na Rona hakunene. Kutani a switiva leswaku a lulamerile. Hambu ku ri Yesofat a fanele a swi vonile sweswo niku switiva. Loko Mikiya a tava a vonile xivono, a ngari ngopfu eka vanhu hi masiku ya vona, kambe a ri ni LESWI HOSI YI SWI VULAKA. A ri na ntiyiso.

<sup>155</sup> Xiyisisa, hi tisa nchumu lowu eka siku leri, loko hi vona awara leyi leyikulu leyi hi hanyaka eka yona.

Xiyisisani leswi Davhida a ri eku ringeteni ka ku swi endla, na yena. Ndzi ni tinotsi nyana lahawani ta sweswo. A ri eku ringeteni ka ku vuyisela areka edorobeni ra Davhida, dinominexini leyi yi nga ya yena.

<sup>156</sup> Langutani endzhaku halahaya loko Hosi yi tava yi vulavurile ro sungula ehansi lahawani enambyeni, “Tani hilaha Yohana Mukhuvuri a nga rhumeriwa ku ta basisa ku ta ro sungula...”

Makwerhu, ma Assemblies ya ngaka ya nga swi yimeli sweswo, hambu kuri ma United, hinkwawo ka vona. Va fanele kuva na yin’we kun’wana. Ah, hinkwavo va fanele ku yi endla, wa vona, ntsena ku fanana. Hinkwavo ka vona a va fanele ku yi tisa eka yindlu leyi yi nga ya vona.

<sup>157</sup> Va lavile ku yi tisa edorobeni ra Davhida. Hikokwalaho ka yini? A kuri hava ndhawu leyi a yi lulamiseriwile yona.

Kutani xexo hi xona xivangelo xa leswaku a wu nge swikoti ku tisa Hungu eka dinominexini. Rito, Areka, Kreste, “la nga yena tolo, namuntlha, ni hilaha ku nga heriki,” niku ti tivisa ka

Xona hinkwako, a wu nge swikoti ku Ri tisa eka nhlangoane wa wena. A va kalanga va Ri pfumela, hikuva ku hava ndhawu ya Rona. A yi vulanga Bibe leswaku A ri ehandle ka kereke ya Nguva ya Laodekiya, u le ku ringeteni ka ku nghena?

A kuri hava ndhawu edorobeni ra Davhida, swi ngari na mhaka ni leswaku a yi tshembhekise ku yini, ni hilaha yi nga kula hakona, ni—ni kuya emahlweni. Hambi swi ri tano a yi ngari ndhawu. Yi tava yi ri eYerusalema. Kwalahaya hilaha yi nga vuya yi ya kona, loko muprofeta a tava a va byerile leswi a nga ta swi endla ha yona. Wa vona? Swingaleswi Davhida a fanele ku yi tisa eka doroba leri ri nga ra yena. A kuri hava ndhawu leyi a yi lulamiseriwile yona.

<sup>158</sup> Kreste hi yena Areka ya hina, nakona va ngaka va nga Yi amukeli. Kreste i Rito; va ngaka va nga Ri amukeli. Va lava mikhuva ya vona, dinominexini ya vona, areka leyintshwa, kumbe—kumbe xirhwali lexintshwa. Va lava dinominexini leswaku yi Ri rhwala; areka leyintshwa. Haa!

Tsundzukani, Kreste hi yena Areka ya hina! Ma pfumela leswaku Kreste i Rito xana? [Nhlengeletano yi ku, "Amen."—Muhleri.] Hi yona Areka yaleyo, swingaleswi. Hi swona sweswo? Hi swona. Kreste a swi nge koteki a rhwariwa, eka ndhawu ya Yena ya kahle, hi xikocikara xa dinominexini yin'wana na yin'wana. U tirhana ni munhu a ri un'we, ku nga ri ntlawa. A nge se tshama a tirhana na ntlawa; munhu un'we. Loko, U vule leswaku a nge swi endli. Loko A swi endla, U hambana ni Rito ra Yena, Amos 3:7. A mi nge swikoti ku Ri endla ri va vunwa. Ee, nkulukumba. Ri Ntiyiso.

<sup>159</sup> Kambe, wa vona, va ringeta. Areka yi ngaka yi nga rhwariwi hi nhlangoane. Ku na tinhloko to tala eka wona. Wa vona? Swi ngaka swi nga endleki. Xi tshembhisile leswaku Xi nge swi endli, nakona a Xi nge swi endli. Xi teri. . .loko Xi tava ri tshembhisile—loko Xi tava xi tshembhisile ku swi endla hi ndlela yin'wana? Hi xona xivangelo xexo xa kuva Xi tshembhisile leswaku a Xi nge swi endli.

Mi nga ehleketi hi miehleketo ya vona. Ndzi nga swi twa. Wa vona?

<sup>160</sup> Swingaleswi Xi—Xi tshembhisile leswaku Xi ta swi endla hi ndlela yin'wana, nakona swin'wana na swin'wana leswi swi hambanaka na sweswo Xi ngaka xi nga swi endli. Wa vona? Kambe hi ndlela leyi yi nga ya Xona yo sungula, ku ya hi leswi Xi nga swivula eka Amos 3:7, yaleyo hi yona ndlela leyi Xi nga ta swi endlisa xiswona. Nakona sweswo swi boheka ku tiyisiwa hi vumbhoni ni kuva swikhorwisiwa leswaku hi swona.

Sweswi, maswitiva leswi Xi nga switshembhisa namuntlha, kutani Xa swi endla namuntlha. Sweswo ntsena hi leswi Xi nga teri Xi ta swi endla. Xi ta pfula Swilemo leswi swa Nkombo, ni hinkwaswo leswi Xi nga ta swi endla; ku paluxa

swihundla endzhaku lahaya, hilaha minkhuvulo leyi ni hinkwaswo leswi swi nga hupiwa. Kutani lahawani hi leswi, eka Vukona bya Yena sweswi. Sayense ya swikhorwisa. Matilo ya swi hlambanyile. Vanhu va yimile, va swi languta, niku swi vona loko swi humelela. Ku nga ri na xin'we eka leswi A nga swivula kambe leswi A nga swi endla swi va ntiyiso. Kwalaho mi nga kona. Ntsena swingaleswi mi nga ha kota ku vona laha hi nga kona namuntlha.

<sup>161</sup> Hilaha munhu un'wana na un'wana loyi a nga na Moya wa Yena, wa switiva leswi; u na Moya wa Xikwembu ehenhleri ka yena, wa switiva Leswi leswaku i Ntiyiso, hikuva Moya wa Xikwembu a wu nge vulavuli wu hambana na Rito. Ee, ee. Swi ta fambisana na Rito.

Mi ri, “Ndzi na Moya wo Kwetsina. Ndzi bile huwa; ndzi vulavurile hi tindzimi. Ndzi cinile eMoyeni.” Sweswo a swi kali swi vula na nchumu eka Xikwembu. Wa vona?

Davhida u endle swo fana, a ti toloveta ku endla swo fana, endzhaku lahaya. Va yimbelerile hi matimba ya yena hinkwawo, a tlhela a yimbelela hi matimba ya yena hinkwawo. Hinkwavo ka vona va swi endlile, nakona a va ri eku fambeni va kongoma rifu. Hi swona sweswo. Sweswo swi hava leswi swi nga swi endlaka ha swona.

<sup>162</sup> I Rito leri ri hlayiwaka, Rito ra Hosi. “Lava va rindzelaka Hosi.” Ina, nkulukumba. Wa vona, lava va nga na Moya wa Xikwembu eka vona, va languta xitshembhiso xa namuntlha, kutani va hlalela niku rindzela ku kondza va Ri vona. Kutani va ri, “Rero hi Rona.” Xikwembu xi va paluxela Rona.

<sup>163</sup> Ku kotisa Nathanael. Filipi u fambile a ya kuma Nathanael. Nathanael u teri, “Sweswi yimani nyana. Ndza switiva leswaku sweswo swi tshembhisiwile, kambe ndzi pfumeleleni ndzi Ri vona.” Kutani loko a Ri vona, u teri, “Rero hi Rona.”

Wansati u teri, “Sweswi, ndza switiva, ndzi twile hi tinxaka hinkwato ta va ntivo-vukhongeri. Ndzi endlile *leswi* na *sweswo*. Nakona ndzi hlayile Biblele, hi vumina, nakona ndza switiva leswaku hi... Ku ni Mesiya loyi a taka, loyi a nga ta endla swilo leswi, swingaleswi U fanele ku va muprofeta wa Yena.”

U teri, “Ndzi Yena.”

<sup>164</sup> Wansati u teri, “Tanani, mi ta vona Wanuna, leri hi Rona.” Wansati u rindzerile ku kondza a vona Mesiya loko a ti tivisa hi Rito ra Xikwembu, kutani u teri, “Sweswo hi leswi a hi swi rindzerile, malembe ya mune wa madzana. A hi kalanga hi va na muprofeta kumbe swin'wana. Lahawani hi Loyi, nakona Yena hi Yexe U vula leswaku hi Yena.” [Xivati lexi nga riki na nchumu eka thepi—Muhleri.] “. . . va humile va ya vona Wanuna Loyi a nga ndzi byela swilo leswi ndza swi endla.”

Kambe vaprista va lavile ku N’wi dlaya, nakona eku heteleleni va swi endlile. Wa vona?

Kambe a va nge swikoti ku dlaya Moya wa Yena namuntlha. Hi swona sweswo. Ee, a va nge swikoti ku Ri dlaya. Ri lahawani ku ta hi nghenisa, swingaleswi hi khensa swinene. Xiyisisani hilaha Xikwembu lexikulu xi nga ha kona, hilaha mintirho ya Xona leyikulu yi nga ha kona, hilaha yi nga taka yi nga hluleki!

<sup>165</sup> Sweswi, Xikwembu xi ni ndlela na ndlela ya xiviri yo endla swilo, nakona a Xi nge swi endlile swi hambana na sweswo.

<sup>166</sup> Sweswi Xi swi tshembhisile emasikwini ya makumu leswi Xi nga ta swi endlile. Nakona va rhumeriwela Rona, eka hina Hungu; nakona Hungu leri ri tava ni vuxaka ni leri Eliya a ri na rona, ku kotisa leri Elix a ri na rona, ku kotisa leri Yohana Mukhuvuri a ri na rona. Nakona Ri ta cinca timbilu ta vanhu, ku nga ri kuya eka dinominexini, kambe ku tlhelela endzhaku ekusunguleni, eka vatatana va vaapostola, ku tlhelela eRitweni. Hilaha swilo leswi swi nga tiyisiwa hakona. Hilaha ku yimba ka ntsuni yo hetelela, Nhlavutelo 10, “Emasikwini ya ntsuni ya vunkombo, swihundla leswi hinkwaswo a swi . . .”

“Hikokwalaho ka yini Methodist yi endlile *leswi*, na Baptist, na church of Christ, na Jehovah Witness, hinkwato ti endlile *sweswo*?”

“Swihundla swa vona swi ta paluxiwa hi siku ro hetelela, loko ntsuni ya vunkombo . . . Hungu ra ntsuni ya vunkombo, loko a ta . . .” Ku ngari loko yi sungula ku endlile leswi, kambe, “Loko yi sungula ku yimba Hungu ra yona.” Wa vona? Ku ngari emalembeni yo lulamisela, kambe, “Loko yi sungula ku yimba Hungu, swihundla leswi swingaleswi swi ta paluxeka.” Kutani hi lava lahawani; va nga ri eku va tiveni, nakona n’wina vanhu mi timbhoni ta swona.

<sup>167</sup> Kutani eka yindlu leyikulu ya vakamberi, swingaleswi misava yi tava yi pfumala, va hari eku hlalaleni leswaku ku humelele yini. E Tucson, vakamberi va vona lavakulu va tekile xifaniso xa rona ehenhla lahaya; va hari eku hlalaleni leswaku hikokwalaho ka yini. I yini xana? Va ha swi veke eka phepha, “Xana ku na loyi a tivaka hi yini, ri humelele njhani xana?” A kuri hava nkungwa ehenhla lahaya, a kuri hava moya, a kuri hava mberha; makume nharhu wa timayili hi ku leha emoyeni. Oho, mina!

“Ku tava na swihlamariso ehenhla ematilweni. Kutani loko swilo leswi swi humelela, ku ninginika ka misava eka tindhawu to hambanana, kutani ku ta humelela singita etilweni, ra N’wana wa munhu.” “Hi siku lero,” eka Luka “N’wana wa munhu u ta tipaluxa yena hi Yexe nakambe; kuva a ti hlavutela, yena hi Yexe.” Nakona misava yi ta languteka ku kotisa Sodoma na Gomora. Oho, mina!

Vamakwerhu, mi nga hunisi eka swilo swa ximoya, wa vona. “Lavisisani Matsalwa, lawa eka Wona miehleketa hilaha ku nga Heriki, leswaku mi na Vutomi lebyi nga Heriki; nakona hi Wona lawa ya nga vula vumbhoni bya Rito.” Hi Wona lawa Ya nga vula vumbhoni bya Ntiyiso, swilo leswi Xikwembu xi nga eku swi endleni eka awara leyi.

<sup>168</sup> Nakona i yini sweswi? Vona lava va nga na Moya wa Xikwembu, va rinzela swilo leswi. Nakona loko va vona swilo leswi, va swi pfumela swilo leswi. Yesu u teri, “Ku hava munhu loyi a nga taka eka Mina handle kaloko Tatana wa Mina a n’wi tisa. Ni hinkwaswo leswi Tatana a nga Ndzi nyika swona,” hi Yena Rito, “swi tata eka Mina. Swi ta ta eka Mina.”

<sup>169</sup> A ndzi holovela ku saseka mixo lowu, wa vona. Va rinzela Hosi, ku rinzela; nakona loko va tava va swi endlile, nakona va vona xitshembhiso xexo xa namuntlha, loko xitiyisiwa, xi pfuxeta ripfumelo ra vona eka Rito ra Xona. Hikuva, Xi swi tshembhisile ku swi endla, kutani lahawani Xi le ku swi endleni. Swingaleswi a swi kanakanisi. Xikwembu xa vulavula. Rito ra Xona, xo sungula, ra vulavula. Kutani Moya lowu wu Ri tisaka wu endla nchumu lowu Rito ri ngeteri Ri ta swi endla.

Oho, hi ni vuencyeti byo tala. Ha ha tava ni vunyingi bya byona, vavanuna va timbilu leti nga tshembheka va le ku ringeteni ka ku endla swilo hi ndlela *leyi* ni hi ndlela ya *leyo*, kambe langutani leswi swi nga humelela. Vanhu va ta vekela mavoko ya vona, nakona swingaleswi—swingaleswi va fa. Wa vona, xiyisisani.

<sup>170</sup> Kuhava xikimi xa dinominexini ya munhu lexi xi nga tirhaka, va endla swirho swa tiareka ta xidinominexini ta vona vinyi leti va nga ti endlela. Xikwembu a xi kalanga xi va na dinominexini. A Xi nge pfuki xi vile na dinominexini. Nakona i nchumu lowu wu nga endla hi munhu.

<sup>171</sup> Nakona ndza hlamala, namuntlha, loko ku tshuneta ka hina eka tikhrusedi letikulu na mimpfuxelelo, a hi ngari eku tateni ka areka ya Methodist, areka ya Baptist, areka ya Presbyterian! Kambe Areka ya Kreste yona ke, yi nga Rito?

Nakona loko kuri hi leswaku Mutekiwa u fanele a va Rito, swingaleswi U fanele a va wa Kreste, xiphemu xa Muteki. U fanele a va Rito; Rito leri ri nga riki ra siku ra Yena; Rito ra siku leri, leri A nga ri tshembhisa leswaku ri tava ra siku leri, hilaha A nga rhumela Rito ra Yena leswaku ri ta vumba Mutekiwa wa Yena niku N’wi endla. Ndza pfumela leswaku ha swivona! U nga kali u kuma miehleketo yin’wana leyi yi nga ya wena sweswi, nakona u nga teki miehleketo ya un’wana. Teka Rito leri ri nga tiyisiwa lahawani, ku nga Bibebe. Yi vula tano.

Xikwembu xi tshembhisile eRitweni ra Xona hilaha Xi nga ta hlawula Mutekiwa wa Xona hakona eka siku leri ro hetelela. Xana a mi switiva sweswo xana? Xi swi tshembhisile, hilaha Xi nga ta swi endla hakona, kutani sweswo swi taya hi makungu ya Xona yo sungula yo hlawula Kreste, yo hlawula minkarhi, yo hlawula tinguva, hilaha a nga. . . Xi ngaka xi nga swi hupi; eka Mutekiwa wa Xona, hikuva hi Yena xiphemu xa Rito lero.

Xi ngaka xi nga N'wi hlawuli hi dinominexini, loko Xi tava xi hlawurile Kreste hi dinominexini. Xana Kreste u tile eka dinominexini xana? Xana U kale a ta hi dinominexini xana? Ee. Va N'wi arile. Kunene, sweswo hi leswi dinominexini yi nga swi endla kwalaho. Swingaleswi loko A hlawula Mutekiwa, xana A nga ta hi ndlela yin'wana xana?

Hikokwalaho ka yini Xi tisile Kreste lahawani? Hi Rito ra vaprofeta. A hi swona xana? Xi ta N'wi tisa njhani Mutekiwa wa Xona lahawani xana? Hi Rito ra vaprofeta.

Xana U ta ti tivisa njhani loko Yena A ta xana? Hi wanuna loyi a nga na moya wa Eliya eka yena, la humaka emananga. Xana U ta n'wi tiva njhani Mutekiwa wa Yena xana? U tshembhise swo fana eka Malakiya 4, A nga se hlasela misava, ku kotisa emasikwini ya Sodoma.

<sup>172</sup> Tsundzukani, Sodoma ri tshwile. A hi swona xana? Kunene, misava leyi yi fanele ku ntshwa. Yesu u vule tano. Nakona ku tava kuri nkarhi, leswaku, ku kotisa Luka ndzimana ya vu17 vhese ya vu30 yi nge, “Hi masiku lawa ya nga ta kotisa Sodoma na Gomora, kutani N'wana wa munhu u ta tipaluxa.”

Nakona ku ta humelela yini xana? Kuya hi Malakiya, U ta hisa misava nakambe, nakona lavo lulama (eka Miliniyamu) va ta kandziyela minkuma ya va tiarisi. A hi swona xana? Wa vona?

Swingaleswi hi le nkarhini wa le makumu. Hi tshamile lahawani enyangweni sweswi, hi rindzele Yena leswaku a ta.

<sup>173</sup> Xiyisisani, Xikwembu xi tshembhisile eka Rito ra Xona leswaku Xi ta ti hlawulela Mutekiwa wa Xona hi ndlela leyi yi nga ya Xona yo sungula. Xa ti hlawulela wa Xona. Muteki! U swi hlamuserile hi va profeta, niku rhumela muprofeta kuya swi tivisa.

Muprofeta u teri, loko a yimile eribuweni ra Yordan, “Vonani!”

Va teri, “U Mesiya, a wu yena xana?”

U teri, “Ee, a ndzi yena Mesiya.”

“U fanele u ri Mesiya.”

<sup>174</sup> “Kambe a ndzi Yena. Kambe Yena u yimile exikarhini xa n'wina. Kutani tintanghu ta Yena, a ndzi fanelanga hi ku tichucha. Loko A ta, u ta ti tivisa yena N'winyi. . .”

Kutani namuntlha U yimile exikarhini ka hina, eka munhu wa Moya wo Kwetsima, a ri karhi a tikombisa yena hi Yexe ku tlurisa niku tlurisa, a taka eka Kereke ya Yena, a ri karhi a ti tivisa hi Yexe; hikuva, Yena, kutani Mutekiwa na Muteki va tava lava va fanaka, a ti tivisa yena hi Yexe. Kutani siku rin'wana mi ta swivona leswaku Loyi mi n'wi twaka embilwini ya n'wina, niku vona vu titivisi bya Yena, byi tava lebyi byi nga ximunhu emahlweni ka n'wina, kutani n'wina na Yena mi Un'we.

Mi hlanganisiwile hi Rito. Nakona Rito, a ri ri emasunguleni, ri ta tlhelela endzhaku emasunguleni, laha ku nga Xikwembu. "Kutani hi siku lero mi ta switiva leswaku Ndzi le ka Tatana, na Tatana eka Mina; na Mina eka n'wina, na n'wina eka Mina." Haleluya! Hi kwalahawani. Haleluya! Ndzi tsake ngopfu ku N'wi vona loko a ti endla munhu yena hi Yexe exikarhini xa hina, niku vona leswi A swi tshembhiseke eka Rito; ku ngari nyanyuko wa un'wana, ku yimbelela, niku tlula-tlula, niku cina. Kambe hi Rito ra Xona, amen, U le ku ti tiviseni yena N'winyi.

<sup>175</sup> Langutani, loko va tava va tisile, va akile tempele kutani va ngenisa areka eka yona, Xikwembu xi ngenile kwalahaya hi Langavi ra Ndzilo. Amen. A kuri Davhida loyi a tlula-tlula niku tlhava mukhosi, a kuri swiyimbeleri hinkwaswo na vaprasta va yaka emahlweni, loko vari ehandle ka ku rhandza ka Xikwembu. Kambe loko Xikwembu xi tava xi tixakahatile na areka endhawini ya Xona na xiyimo, va nga se ngenisa areka kwalahaya, lahawani ku tile Langavi ra Ndzilo ri ri karhi ri rhangela ndlela; ehansi etipikwini ta tikerebimu, ku ya fika endzhaku ka Vukwetsimelo bya vukwetsimelo, ndhawu ya Xona yo wisa; Langavi ra Ndzilo! Nakona ku kwetsima ka Xikwembu a kuri kwalahaya, ku fikela laha la-...va nga ha swi tiviki hambi kuri ku ministara. Amen.

Ri ta pfala mahlo ya un'wana na un'wana wa ntivo-vukhongereri, loko A ta vuyela Mutekiwa wa Yena. U ta vutleriwa ehenhla e-e xikarhini ka vusiku, tani hilaha a swi ri ha kona, eka vona. A va nge n'wi voni hambi kuri ku N'wi vona loko a famba. Oho, a ku dzunisiwi Xikwembu!

<sup>176</sup> Xiyisisani, Xikwembu xi tshembhisile leswaku Xi ta humesa Mutekiwa wa Xona, hi leswi Xi nga ta swi endla. Ku tava ni Mbewu. Ku tava ni Rivoni hi nkarhi wa ni madyambu, hilaha Xi nga ta endla hinkwaswo swilo leswi, ntsena ku fanana, nakona ku ya hi ndlela leyi Xona xi nga yi kunguhata emasunguleni eka Testamente ya Khale nale ka Testamente leyi Ntshwa.

Nakona a swi yi hi dinominexini. A swi yi hi mafambiselo ya hina lawa hi matirhisaka namuntlha. Ntsena ho vanga rifu. Tshikani vanhu va tlandleka mavoko eka Yona, ni kuva va fela eka yona. Wa vona?

<sup>177</sup> Rito, Hungu ra ni madyambu, ri boheka ku rhwala mbuyelo wa ni madyambu. Hungu ra ni madyambu ri boheka ku byala Mbewu ya ni madyambu, ku ngari mbewu ya ni mixo. Mbewu ya ni Madyambu! A hi swona xana? Mbono wa na nhlikanhi, i timbewu leti ti nga endzhaku lahaya, yi nga dinominexini; yi file, yi lovisiwile. Kambe Hungu ra nkarhi wa ni madyambu ri ta kombisa Rivoni ra nkarhi wa ni madyambu, ri kombisa mbuyelo wa nkarhi wa ni madyambu; Hungu ra nkarhi wa ni madyambu!

Nkarhi wa Yesu, hungu ra na nhlikanhi, ri kombisa mbuyelo wa na nhlikanhi. Hungu ro sungula ri kombisa mbuyelo wo sungula, byi endla ntumbuluko. Xi endlile N'wana wa Xona hi xivumbeko xa Xona N'winyi, ni nhlikanhi. Hi nkarhi wa ni madyambu Xi endlile Mutekiwa a endleriwela Rona. Wa vona? Hi yini? Hi Rito ra Xona.

Xi yi vumbe njhani misava xana? Xana Xi swi vulavurise ku yini leswaku yi humelela? Hi Rito ra Xona!

A ri mani N'wana wa Xona xana? Rito! "Emasunguleni a kuri ni Rito, nakona Rito a ri ri na Xikwembu. Nakona Rito ri endlwe nyama kutani ri tshama exikarhini xa hina."

Xi ta n'wi teka njhani Mutekiwa wa Xona xana? Hi Rito; ku ngari hi xikocikara lexi ntshwa, ku ngari hi miehleketo yin'wana ya wa ntivo-vukhongereri. Kambe ku ya hi Rito ra Xona Xi ta N'wi tiva. Mi nga engeteli nchumu eka Rona kumbe ku hunguta eka Rona sweswi. Ri tshikiseni hi ndlela leyi Ri nga ha kona. Wa vona?

<sup>178</sup> Nkarhi wa ni madyambu, Xi tshembhisile leswaku Xi ta paluxa, hambi loko, xi pfula Swilemo leswi swa Nkombo niku kombisa tikereke ta vona hilaha va nga swi hupa endzhaku lahaya. Nhluvutelo 10, na Malakiya 4, Luka 17:30, Xi vule leswaku Xi ta swi endla. Sweswi mi nge hi nga swi hlanganisi. A hi swi hlayisiseni xisweswo.

<sup>179</sup> Ndzi pfumeleleni, hi ku pfala. . . Hi kwalomu, hi le kusuhi swinene na khume ntllhanu wa timinetse ku nga se ba khume mbirhi. Mi nge ndzi pfala, hi ku vula leswi.

Vanghana, yingiselani, hi Vito ra Hosi Yesu! Swilo leswi swi le rivaleni swinene eka n'wina mi nga Ri pfumeriki. Ri le rivaleni swinene eka n'wina leswaku mi nga Ri voni. Hakunene mi nga ha swivona Sweswo! Hakunene misava yi nga ha Ri vona! Kambe ntsena n'wina. . .

Mi nga yengiwi hi bombo ro saseka leri ntshwa ni swilo leswi va nga na swona namuntlha; a ndzi na mhaka ni leswaku vanhu va kahle ku fika kwihi, va tshembhekise ku yini. "Loko iva nga vulavuli kuya hi nawu na vaprofeta," Bibe le yi teri, "ku hava Vutomi eka vona." Wa vona?

<sup>180</sup> Davhida a ehleketa leswaku u kahle. A tshembhekile. Vaprista va vona a va ehleketa leswaku va kahle. A va tshembhekile. Kambe ntsena va hlulekile ku tihlanganisa na Hosi ha swona. Nakona va nga swi endlisa ku yini xana? Kumbexani va teri, “Hi swi khongelerile.” Kambe yaleyo a yi ngari yona ndlela ya Xikwembu yo swi endla. Xi tshembhisile leswaku Xi ngaka xi nga endli nchumu ku kondza Xi swi paluxela malandza ya Xona ku nga vaprofeta. Kutani kwalahaya ku yimile Nathan-ael exikarhini xa vona, nakona a va kalanga va tihlanganisa na yena eka hinkwaswo.

<sup>181</sup> Sweswi hlayani tindzimana tintsongo leti ti landzelaka ta Tikronhaka kwalahaya, kutani mi ta swi kuma. Loko Davhida a ta tshama endlwini, a ku, “Swi ntiyiso,” kutani Nathan-ael a tshamile na yena, “leswaku ndzi nga hava na yona, ndzi hanya eka sedari, na—na areka ya Xikwembu ehansi ka matende ehandle lahaya?” Kutani Nathan-ael a kuma, kusuka eka Hosi, leswi a nga ta n’wi byela ku swi endla.

<sup>182</sup> Nakona u endlile xihoxo, swingaleswi Xikwembu xi teri, “Byela nandza wa Mina Davhida leswaku Ndza n’wi rhandza. Ndzi n’wi endlele vito kukotisa vavanuna lavakulu emisaveni, kambe Ndzi ngaka ndzi nga n’wi pfumeleri a swi endla,” wa vona, “u Ndzi hlulekisile. Wa vona, Ndzi ngaka ndzi nga n’wi pfumeleri a swi endla. Ndzi ta tisa wanuna xikan’we, n’wana wa yena, u ta pfuxa yindlu ya Xikwembu hilaha ku nga heriki.” Kutani yaloye a ri Davhida, hakunene. Laha, Solomon a nga xifanekiso xa yona, kambe u hlulekile. Munhu un’wana na un’wana wa hluleka. Xivumbiwa xin’wana na xin’wana xa ximunhu xi fanele ku hluleka.

Xikwembu hi xona xi ri Xin’we lexi xi nga hlulekiki. Xi ngaka xi nga hluleki. Walowo i nchumu wun’we lowu Xikwembu xi nga taka xi nga wu endli, i ku hluleka. Nakona Xikwembu i Rito. Nakona Rito, swi nga ri na mhaka ni leswaku yi languteka njhani yi ta ta hi ndlela leyin’wana, yi ta ta hi ndlela leyi Rito ri nga yi vula hakona.

<sup>183</sup> Sweswi tsundzukani, mi fanele ku landzelela nguva, nkarhi. Wa vona? Nakona i nguva yihi leyi mi nga eka yona, i nkarhi wihi, nakona swi endla leswaku sweswo swi tiyisisiwa, ku vona leswaku i Ntiyiso hakunene.

<sup>184</sup> Sweswo tekani hinkwaswo swiboho leswi, Rito hinkwaro, minxaka hinkwayo, ni swin’wana, nakona mi languta laha mi nga tshama kona. Ehleketani hi awara leyi hi hanyaka eka yona.

Langutani halahaya, sweswo swi lava kuva ekusuhi na vukhume byin’we bya misava byi ti lulamiserile ku wela endzeni. Sayense yi vula sweswo. Va langutile eka xikomba nkarhi. Malembe yantsongo lawa ya nga hundza, ndzi ku,

“Ku sale timinetse tinharhu sweswi leswaku kuva exikarhi ka vusiku.” Swi nga ha endleka kuri minete, swi nga ha endla kuri hafu ya minete sweswi.

Va teri, “Swi ngaka swi nga humeleli eka rixaka ra hina.”

<sup>185</sup> “Swi nga ha humelela hi ntlhanu wa timinetse.” Nakona xiyisisani lexi xi landzelaka lexi a nga xivula, “Ntlhanu wa malembe.” A ndzi kalanga ndzi swivula sweswi. U vule sweswo, n’wa tisayense. Va vile ntlhambhi lowu wu nga suka eCalifornia ku kotisa tinhongana. Wa vona? Kunene, hi siku leri Lot a nga huma eSodoma, hi siku rona lero ku nile ndzilo wu nela ehansi emisaveni.

Rin’wana ra masiku lawa Xikwembu xi ya eku hi tekeleni Hungu ra hina, nakona hi ta suka lahawani. Swin’wana swi ya eku humeleleni, hakunene-nene, swingaleswi, loko Kereke yi tava yi fambile, Miri wa Xona, Mutekiwa wa Xona.

<sup>186</sup> Sweswi ndzi lava ku mi hlayela Matsalwa, nakona ndzi mi lava mi Yi hlaya na mina. Ndzi mi lava mi pfula eka Deuteronomo 4, hi ku pfala. Ndzi ehleketa hi ku ringanela leswaku kumbexana ku vuriwe leswaku, leswaku mi ta kota ku twisisa. Deuteronomo 4. Ndzi ya eku hlayeni ti ndhawu timbirhi leti ti nga lahawani.

Nakona eka kereke leyi, nile ka ti thepi, vanhu lava va nga eka tithepi, ni vanhu lava va nga eka ku khweketiwa hi ku tsemekanya swiphemu swa tiko, ndzi mi lava leswaku mi yingisela leswi hi vurhon’wana, nakona mi nga hluleki. Lowu i nchumu lowo ndzi. . .

Deuteronomo, ndzimana ya vu4. Ndzi ya eku kumeni ka vhese ya vu1. Ndzi lava ku hlaya vhese ya vu1, ivi ndzi ya hlaya vhese ya vu25 na ya vu26. Mi nga ha yi hlaya loko mi fika ekaya; kambe ntsena, hi ku hlayisa nkarhi, leswaku hi ta kota ku huma hi nkarhi, hikuva ndzi fanele ku tlhela ndzi vuya nakambe ni madyambu, loko Hosi yi swi rhandza. Yingiselani muprofeta loyi loko a vulavula. A ri eVukoneni bya Xikwembu. A switiva leswi a vulavula hi swona. Yingiselani.

*Sweswi, Israel, yingisa milawu niku lerisa, leswi ndzi mi dyondzisaka, ku swi endla, leswaku mi hanya, kutani mi ta nghena mi va mi fuma tiko leri Hosi Xikwembu xa vatata wa n’wina. (Sweswo i xifanekiso xa Miliniyamu ya hina.)*

*Mi nga tshuki mi engetela nchumu eka leswi ndzi mi lerisaka swona, kambe mi nga tshuki mi hunguta nchumu eka swona, (“Mi nga engeteri nchumu eka Yona, kumbe ku hunguta xin’we eka Yona. Tshamani, ntsena vulani leswi Yi swivulaka!”) mi ta hlayisa milawu ya Hosi Xikwembu xa n’wina leyi ndzi mi lerisaka yona.*

*Mahlo ya n'wina ma vonile leswi Hosi yi swi endleke... eka Baal-Peor: hikuwa munhu un'wana ni un'wana la landzeke Baal-Peor, Hosi Xikwembu xa wena xi n'wi herisile xikarhi ka n'wina. ("Sweswi mi vanhu lava va tiaveke, lava humaka eka tidinominexini." Wa vona? Wa vona?)*

*Kambe n'wina lava mi namarheleke Hosi Xikwembu xa n'wina, ma ha hanya hinkwerhu ni namuntlha. ("A mi kalanga mi fa na dinominexini ya n'wina. Ma hanya sweswi, nakona eVukoneni bya Xikwembu.")*

Hi ku pfala, mi nga swi hupi. Vhese ya vu25, sweswi, loko va ya etikweni, sweswi hlalelani leswi swi humelelaka.

*Kungaku loko u velekele vana, ni vatukulu, ni loko mi... akile khale tikweni, kutani mi tionha (sweswo hi leswi humelelaka), ni loko... mi ti vatlela swifaniso (swin'wana), xi va xikombiso xa xilo xihl ni xihl, mi endla leswi biheke emahlweni ka Hosi Xikwembu xa wena, ku swi pfukela: (Yingisani!)*

*Ndzi vitana namuntlha matilo ni misava, wa vona, ti va timbhoni ta n'wina leswaku mi ta fa hi ku hatlisa etikweni, wa vona, leri mi nga ta ri fuma loko mi perile Yordan; kumbe ndhawu, masiku ya n'wina ma ngaka ma nga lehi kona, hikuwa mi ta herisiwa kunene.*

<sup>187</sup> Loyi a ri Muxe a vulavulaka na Israel, endzhaku kaloko a tava a tiyisisiwile hi Xikwembu, hi Langavi ra Ndzilo, ni kuva a swi tiva leswaku ku kombisisiwile leswaku a va nandza wa Xikwembu kuva rhangela a va humesa. Kutani wa nge siya etikweni, wa nge si nghena, Muxe u teri, "Sweswi, marito lawa ndzi nga ya vulavula eka n'wina, ndzi vitana tilo ni misava ku tava timbhoni ta n'wina. Loko mi engetela xin'we eka Yona, kumbe ku susa Rito rin'we eka Yona, a mi nge tshami etikweni leri Hosi Xikwembu xi nga mi nyika."

Swingaleswi ndzi ri, hi Vito ra Yesu Krete! Mi nga engeteli nchumu. Mi nga hunguti, ku nghenisa miehleketo leyi yi nga ya n'wina eka Rona. Ntsena mi vula leswi swi nga vuriwa eka tithepi leti. Mi endla ntsena hilaha Hosi Xikwembu xi nga lerisa leswaku mi swi endla. Mi nga engeteli eka Rona.

<sup>188</sup> A xi se tshama, Xi hi hlayisela xitshembhiso. Xitshembhiso xin'wana ni xin'wana lexi Xi nga xi endla, Xa xi hlayisa. Xana Xi mi byele hi leswi swi nga ta humelela, kutani swi nga humeleli xana? Ndzi mi tisela matilo ni misava emahlweni ka n'wina namuntlha, eka tlhotlho. Xana Xikwembu xi tshame xi vula swin'wana leswi Xi nga swi hetisisangiki niku endla hilaha Xi nga vula ha kona leswaku Xi ta hi endlela swona? Xana a xi swi endlanga hi ndlela leyi Xi nga teri Xi ta swi endla xana? Hi swona hakunene. Swingaleswi Xi taya emahlweni niku swi endla. Ntsena mi nga engeteli eka Rona.

Mi nga hunguti eka Rona. Ntsena Ri pfumeleni mi famba hi ku titsongahata emahlweni ka Hosi Xikwembu xa n'wina, hikuva hi le kusuhi swinene ni kuya eTikweni.

Kutani, mi ngaka mi nga ha tlheleli, mi ngaka mi nga ha tlheleli eka muxaka lowu wa vutomi nakambe. Mi ta tlhelela tani hi xivumbiwa lexi nga boriki. Mi ta tlhelela, loko vudyoho byi tava byi fambile, loko Sathana a tava a bohiwile, nakona ku ringana gidi ra malembe mi tava mi ri karhi mi hanya ehenhla ka misava ya leyi Hosi Xikwembu xa n'wina xi nga mi nyika yona. "Hikuva lavo titsongahata va ta dya ndzhaka ya misava." "Ku katekile loyi a endlaka ku lerisa ka Xona hinkwako, leswaku a nga hava ni nfanelo yo nghena eDorobeni." "Kambe loko kuri vangoma, vahembi, ni lava vatirhaka hi byona, ni timbyana. Va ngaka va nga ngheni." Kambe i ra lava va Kutsuriweke, ni lava va fambaka hi ku lerisa ka Xona.

<sup>189</sup> Mi nga teki swin'wana leswintshwa. Va haha-haha hinkwako, nakona va tava vo tlula lava va taka. Kambe mi nga swi teki swilo leswi ntshwa leswi.

Hosi Xikwembu xa n'wina xi mi hlambanyerile leswaku Ntiyiso i yini. Hosi Xikwembu xa n'wina xi tiyisisile leswaku Ntiyiso i yini, hi Rito ra Xona ni hi Moya wa Xona. "Ku ngari hi nyimpi, ku ngari hi matimba, kambe hi Moya wa Mina." Kutani, Moya, "Xikwembu xi lava la va Xi gandzelaka hi Moya ni Ntiyiso." "Rito ra Wena ri Ntiyiso." Nakona hikuhetiseka Xi tiyisisile leswaku Yesu Krete wa ha ri yena tolo, namuntlha, ni hilaha ku nga heriki. Xi mi kombetile Timbewu ta ni madyambu. Xi mi paluxele Tona, eRitweni. Xi mi khorwisile Rona, hi Moya wa Xona.

<sup>190</sup> Mi nga tshuki mi sungula kumbe ku ringeta ku endla nhlango. Mi nga tshuki mi ringeta ku aka ehenhleni ka swin'wana.

Kambe tshamani mi ri karhi mi ti tsongahata emahlweni ka Hosi Xikwembu xa n'wina, hikuva swi tikomba tani hiloko minyangwa yi nga ha pfuleka eka Tiko ra xitshembhiso ku ngari khale. Kambe mi nge hi nghena niku yimbelela ka ntiyiso ni ntsako, loko Mutekiwa na Muteki va teka ndhawu ya vona eXiluvulweni.

<sup>191</sup> Hanyani hi ku titsongahata. Mi ri karhi mi rhandza. Mi rhandza un'wana. Ku nga kumeki nchumu eka n'wina. Loko mi vona swin'wana swi ta embilwini ya n'wina leswi swi lwisanaka na un'wana, swi susi kwalahaya hi ku hatlisa. Mi nga pfumeleli . . .

Na Sathana u ta endla ku antswa ka yena ku nghenelela exikarhini ka n'wina. Wa vona? Mi nga swi pfumeleli swi humelela sweswo. Nakulorhi un'wana wa ririmi ro rheta a nga ha ta a ta ringeta ku mi susela ekule na Rona. Mi ehleketa

leswaku va nga ha vulavula na Muxe a huma eVukoneni bya Xikwembu, laha a nga yima lahaya a Ri vona? Ee, nkulukumba. Ee. A hi hunguti eka Rona kumbe ku engetela eka Rona. Ntsena Ri hlayiseni hi ndlela leyi Hosi yi nga ri vurisa xiswona. A hi lavi na dinominexini. A hi lavi na minhlango. A hi lavi na mano. A hi lavi na mholovo. Hi lava Xikwembu, nakona hi Xona Rito.

Sweswi a hi korhamiseni tinhloko ta hina.

<sup>192</sup> O Xikwembu, ndza halahala hi tinhlo ra ximoya, ndzi ringeta ku vona leswi swi tekaka ndhawu. Ndza ri vona Rito ra Wena, hi ndlela leyi Ri nga tiyisisiwa ha kona, hi ndlela leyi Ri nga kambisisiwa; kusukela endzhaku eka malembe ya makume nharhu-nharhu lawa ya hundzeke, ehansi lahawani enambyeni, leswi U swi vuleke. Kutani hi leswi lahawani, endzhaku ka malembe ya makume nharhu-nharhu loko ya hundzile, nakona U le ku endleni ntsena leswi U nga swi vula. Nakona U endlile ntsena hilaha U nga vula hakona. Hosi, a swive ekule na hina ku ringeta ku Ri endla ri va rintsongo kumbe ku Ri ringeta ku ri kurisa; ntsena hi Ri hlayisa hi ndlela leyi U nga Ri endlisa xiswona, ntsena hi famba hi ku titsongahata hi ku landza Wena.

<sup>193</sup> Hi lava, Hosi, lava U nga va nyikela eka ministri, handle ka lava va nga etlela ku rhendzeleka hi tiko, ku rhendzeleka hi misava. Eswilahlweni lahawani swi khome votala lava va nga rindzela, vakwetsimi lava va nga kwetsimisiwa. Kambe swi hi leswi yi nga swivula, "Hina lava hi hanyaka hi ngaka hi nga rhangeli lava va etleleke. Mhalamhala yi ta rila, lava va feke va ta rhangva va pfuka kusungula; kutani hi ta vutleriwa ehenhla na vona." Loko ku kwetsima ka Xikwembu ku tava ehenhleri ka misava, ku ta tumbeta Kereke yi suka emisaveni. A Yi nge yi voni hambani kuri ku yi vona loko Yi famba.

<sup>194</sup> Xikwembu Tatana, va hlayisi emavokweni ya Wena. I va Wena. Ndza khongela, Xikwembu, leswaku minkarhi hinkwayo hi famba hi ku titsongahata emahlweni ka Wena. A hi switivi leswaku ku fika rini. A hi swi tsakeli ku swi tiva leswaku ku fikela rini; a hi mhaka ya hina. Yaleyoyi mhaka ya Wena. A hi ku rhandza ka hina ku tiva leswaku U ta ta rini. I ku rhandza ka hina, Hosi, leswaku hi tshamela ro titsongahata ku kondza U vuya, kutani hi famba na Wena. I ku tsakela ka hina eka Wena leswaku ntsena u ti pfumelela wena hi Wexe leswaku u tiveka, kan'we hi xinkadyana, Tatana, exikarhini ka hina, leswaku hi nga ha swivona leswaku ha ha famba na Wena.

<sup>195</sup> Hi rivaleli eka swidyoho swa hina leswi nga hundza. Hi fambisi u hi sirhelela eka xirimbanani xin'wana na xin'wana xa javulosi, eka vutomi. Hi rhangele u tlhela u hi fambisa, O Xikwembu Tatana wa hina. Hi rivaleli swidyoho swa hina u

tlhela u hi pfuna leswaku hi va vana va Wena. Hi ntlawa lowu nga siwaneka wa vanhu. Hi hina lava hi nga hlongoriwa, hi tinhlengeletano ta misava, hi tidinominexini ta tikereke.

Ha ma vona makumu. Nakona ha Ku khensa hikokwalaho ka tihlo ra ximoya eka Rito ra Wena, ku vona nkarhi wa makumu, hikuva hinkwaswo leswi swi boheka ku ta eka maribye lamakulu ya naka ya huma Tilweni. Hi pfune, Hosi, leswaku hi va hi nga ri kona lahawani hi siku lero, kambe hi va hi fambile hi ya eka Vukona bya Wena, hi hahela eka xifuva xa Wena.

<sup>196</sup> Hanyisa vavabyi ni lava va xanisekaka, Hosi. Ha khongela leswaku madyambu ya namuntlha U ta hi nyika xikhongelo lexikulu, i ngaku ku nga pfumaleka na munhu na un'we loyi a chavaka exikarhini xa hina, hikokwalaho ka Vukona bya Wena, Hosi. I ngaku timbilu ta hina ti nga ya emahlweni ti tshama eka Wena. Nakona ha switiva, Hosi, mali ya leyo, nhundzu, swilo swa misava a swi na tinhlamuselo, ntsena i swa xinkadyana. Hinkwaswo ka swona swi boheka ku famba. Mintirho ya hina, tindhawu ta hina, vanghana va hina, hinkwaswo swi boheka ku famba. A swi na mhaka leswaku u fumise ku yini, u xisiwana ku fika kwihi, hi dume njhani kumbe a hi dumanga, hinkwaswo swi boheka ku famba. Kambe ku ni nchumu wun'we ntsena laha ku vumbiwa ka hina ku nga vekiwa kona exikarhi, kutani kwalaho hi le ka Yesu Kreste. Swingaleswi, Xikwembu, hi pfumeleli hi veka ethelo hinkwaswo tani hi leswi landzelaka, kutani hi khomelela eka Xona. Nakona hi Xona Rito. Hi nyike swona, Hosi.

<sup>197</sup> Rito leri nga tiyisisiwa ra awara! Rito leri nga tiyisisiwa emasikwini ya Muxe a kuri Yesu. Rito leri nga tiyisisiwa hi siku ra Esaya, Eliya, Yohana, hinkwavo, a kuri Yesu. Ni Rito leri nga tiyisisiwa namuntlha i Yesu, la nga tolo, namuntlha, ni hilaha ku nga heriki. Hi pfune, Hosi, ku swi pfumela sweswo, ku vona sweswo, niku famba eka swona. Ha—ha swikombela hi Vito ra Yesu.

<sup>198</sup> Loko ha ha korhamisile tinhloko ta hina, ndzi nga hlamala loko kuri ni van'wana lahawani lava vo ka va nga byi endlaka hi ntiyiso vukulu byin'we byebyo, hi ku ringanela hinkwako. . .Ma Ri pfumela, kambe ntsena ku Ri pfumela a swi enelanga.

Ndzi pfumela leswaku nsati wa mina i nhwana wa kahle. Ndzi tivile tata wa yena, manana wa yena. Ndzi n'wi tive malembe na malembe. U fambile vutomi lebyi lulameke. Ndzi pfumela leswaku a ri wansati wa kahle, kambe sweswo a hi swona leswi swi nga n'wi endla a va wa mina. A nga kalanga a va wa mina ku kondza, yena, ndzi n'wi amukela, u ndzi amukerile na yena.

Sweswi Yesu u lava ku mi amukela. A mi swi lavi ku N'wi amukela kutani mi va xiphemu xa Rito ra Yena xana? Loko mi nga swi endlanga sweswo, loko tinhloko ta n'wina ta ha korhamile na timbilu ta n'wina leti nga korhama, ndza tshembha...

<sup>199</sup> Ku hava ndhawu yo vitana lava tweke rito lahawani. A ndzi ngopfu-ngopfu eka vona, hi ndlela yin'wana. Ndzi pfumela leswaku Xikwembu xi mi endzerile kwalaho mi nga kona. Mi nga yimisa mavoko ya n'wina, mi ku, "Makwerhu Branham, ndzi tsundzuki eka xikhongelo. Ndzi lava ku swi endla sweswo." Xikwembu a xi mikatekisi. "Ndzi..." Xikwembu a xi mi katekisi. Mina, mavoko hinkwako! "Ndzi lava ku va xisweswo." Xikwembu a xi mi katekisi, makwerhu. A xi ku katekisi, makwerhu; hinkwerhu ka n'wina, hinkwako. "Ndzi lava ku va xisweswo." Xikwembu a xi katekisi... "Hi ntiyiso ndzi lava ku va xisweswo. Ndza—ndza swi vona."

Kunene, sweswi, langutani, vanghana, ku nga hava na swin'wana swintsongo... Loko mi nga ri swona sweswo, swingaleswi ku ni swin'wana mi nga tiseketela hi swona handle ka sweswo. Mi tani hiloko mi ri ekusuhi na swona, mi swi langutile. Ma swi vona. Mi swi vonile malembe yo tala, swi famba. Ma swi vona loko swi vupfa sweswi. Loko sweswo swi vula hinkwaswo eka hina, nakona ku hava lexi xi nga ta teka nkarhi ka Sweswo, hikokwalaho ka yini ntsena mi nga hundzuluxi nhloko ya n'wina yi suka eka swilo sweswo a mi swi langutile kutani mi tiseketela hi Yena xana? Laha, ku tiseketela ka vutomi hinkwabyo, hinkwako endzhaku lahawani, hi Yena. A mi nge swi endli, loko ha ha khongela swin'we xana?

<sup>200</sup> Xikwembu lexi rhandzekaka, tani hi mavoko ya vavanuna, vavasati, majaha, vanhwenyana, hambu kuri tiministara, va yimisile mavoko ya vona ehenhla. Va—va lava ku—ku vula leswaku va lava ku seketeriwa hi Hosi Yesu, hambiloko swi tikomba tani hiloko va nga taka va nga swikoti. Ku ni swin'wana swi va kokelaka eka ndlela *leyi*, ndlela ya *leyo*. Swi nga ha endleka kuri dinominexini, swi nga ha endleka kuri munhu, swi nga ha endleka kuri vudyoho, swi nga ha endleka kuri swin'wana leswi va swi tumbetaka etimbilwini ta vona. A ndzi switivi, Hosi. Wena wa switiva. Hambu i yini, ku nga va sweswi, Hosi, loko van'wana va ha Ku huwelela... U va vitanile. I va Wena.

Kutani loko Wa ha va vitana, i ngaku va nga ha chucheka eka sweswo, sweswo swi tsemekanyaka vudyoho, tani hilaha Biblele yi nga teri. "Fularhelani vudyoho byebye lebyi hi ku olova byi hi tsemekanyaka, leswaku hi nga ha tsutsuma rendzo hi ku tiyisela leri ri nga hi tsemekanya, hi langute eka..." Yini, eka ntirho wa hina, eka dinominexini ya hina, eka ku

ti katsa, na tikhansele? “Eka Kreste Mutsari ni Muhetisi wa ripfumelo leri hi nga na rona eka Yena.” Hi endlele, Tatana, eka hina namuntlha, ha swikombela hi Vito ra Yena ni hikwalaho ka ku kwetsima ka Yena.

<sup>201</sup> Sweswi i va Wena, Hosi. Endla na vona tani hilaha U ti vonaka u ringanerile. Endla na hina tani hilaha U tivonaka u ringanerile. Hi va Wena. Hi Vito ra Yesu. Amen.

Ndza N’wi rhandza, ndza N’wi rhandza  
Hikuva U sungurile a ndzi rhandza  
A xava ku ponisiwa ka mina  
Ensinyeni wa Xihambano.

<sup>202</sup> Mi rivarile hi swakudya swa ni nhlikanhi xana? Mi rivarile loko swihlangi swi ri kahle, ehandle eka movha, kumbe swi nga ri tano? Mi rivarile hi hinkwaswo leswi swi nga hundza, kutani mi tekela enhlokweni eka leswi mi swi twaka sweswi? Ri ti endla nhundzu emahlweni ka n’wina, siku na siku. Wa vona? Pfumelelani sweswo swi va museketeri wa hinkwaswo. Tshika swilo hinkwaswo swi ti fambela; va ya eku loveni, hi ndlela yin’wana.

Oho, ntsena tshamelani ro N’wi landzelela! Wa vona? Tani hi Elixa a nga landzelela Eliya, a hi N’wi landzeleleni. Hikuva ha boheka ku vutliwa, na hina, siku rin’wana. Ha yi vona golonyi ya Ndzilo leyi yi N’wi tlakuleke a huma esirheni. Ha Yi twa sweswi exikarhini ka hina. Siku rin’wana U ta hakunula tihanci enhoveni. Hi ya ehenhla. A mi N’wi rhandzi Xana?

A xava ku ponisiwa ka mina  
Ensinyeni wa Xihambano.

Oho, hikokwalaho ka yini mi nga pfali mahlo ya n’wina mi N’wi languta loko a nembelela halahaya?

Ndza N’wi rhandza, (i mani un’wana ndzi nga  
n’wi rhandzaka?) ndza N’wi rhandza  
Hikuva U sungurile a ndzi rhandza  
A xava ku ponisiwa ka mina  
Ensinyeni wa Xihambano.

<sup>203</sup> Minkarhi yo tala loko ndzi tlhelela ekaya, un’wana u va a fambile. Loko ndzi famba eka tinhweti tintsongo, ndzi tlhela ndzi vuya, un’wana u va a fambile. Ndzi ti twela vusiwana minkarhi yo tala loko ndzi vuya.

Siku rin’wana, jaha leri ndzi nga ya na rona exikolweni, loko hi ri karhi hi ta hi xitarata, a ku, “Yhaa, Billy.”

<sup>204</sup> Ndzi n’wi langutile, u tollovele ku va nakulorhi lontsongo loyi a nga na malwandla, wa misisi ya ntima hakunene leyi yi hatimaka leyi yi nga kameriwa endzhaku; sweswi i yo basa kukotisa gamboko. A ri loyi a alolekeke; sweswi u na lunda kukotisa *xileswi*. Ndzi ku, “Yhaa, Jim.” Ndzi n’wi langutile.

Ndzi titwa embilwini ya mina, ndzi ehleketa, “Xikwembu, jaha lero na mina, wanuna yaloye na mina, hi tintangha.”

Swingaleswi, ndza switiva leswaku masiku ya mina ya pimiwile. Ndza switiva leswaku a swi nge teki nkarhi wo leha. Ndzi hala-hala, ndzi ehleketa, “Ndzi nga endla yini, Hosi? Ndzi pfune. A ndzi swi lavi ku famba emahlweni ka Wena. Ndzi lava ku tshama kona—kona endzhaku ka Wena. U ndzi rhangela ndlela.” Ndzi languta, kutani ndzi ehleketa, “Malembe ya makume ntlhanu-ntsevu hi vukhale, oho, mina, a swi nge teki nkarhi!”

<sup>205</sup> Kutani ndzi languta ehansi, ndzi vona munghana wa mina wa kahle Bill Dauch a tshamile lahaya, a ri ni makume nkombo-mbirhi kumbe makume nkombo-nharhu wa malembe hi vukhale. Ndzi hala-hala, ndzi vona vana lava, va ehleketa, “Kunene, ndzi ta rindzela ku kondza ndzi dyuhala kukotisa Makwerhu Branham, ndzi ta ehleketa hi sweswo.” Murhandziwa, swi nga ha endleka u nga swivoni sweswo. Ndza kanakana swinene leswaku u ta swi vona. Wa vona? Kambe, ntsena ehleketa, loko Makwerhu Bill Dauch a ha hanya hi siku leri, a nga ha hanya dzana na khume ntlhanu-, vanhu va khume ntsevu wa malembe hi vukhale. Va le ku feni eka awara yin’wana na yin’wana.

Swingaleswi hi kwihi ku hambana loku ku ku endlaka eka xiyimo xihile lexi mi nga eka xona! Mi endla yini eka awara leyi mi hanyaka eka yona xana? Mi n’wi endlela yini Yesu eka nkarhi lowu xana? Wa vona? Oho, ndzi lava ku N’wi vona. Ndzi lava ku vona awara leyi ndzi nga yi languta niku vona mimiri leyi yi nga dyuhala yi ncinciwa, ndzi va vona “va ncinciwa hi xinkadyana, hi ku copeta.” Loko sweswo swi nga ri tano, swingaleswi hi tava hi ri vanhu lava hi nga swimphuta; hi dya, hi nwa, niku tekana, hikuva mundzuku wa fa; wa vona, wo va ntsena ku kotisa xiharhi, wa fa u ya ethyakeni hi swona hinkwaswo sweswo. Kambe ku ni ku bola...moya lowu wu nga boliki wu hanyaka eka n’wina, makwerhu. Hi swi twile swi huma eTilweni. Hi swi vonile swi khorwisiwa. Ha swi tiva leswaku hi Yena, ni ku vuyeriwa eka lava va tikarhatelaka ku N’wi lava.

Sweswi, swirho swa Miri wa Krete, loko ha ha ri yimbelela nakambe, ndzi mi lava mi tshama eka switshamo swa n’wina nakona hi tlhavulana mavoko ha ha ri yimbelela nakambe.

Ndzi . . (ntsena xeweta buti wa wena, sesi)

ndza N’wi rhandza

Hikuva . . (Richard!) . . mina

A xava ku ponisiwa ka mina

Ensinyeni wa Xihambano.

<sup>206</sup> Ma N’wi rhandza xana? Mi nge, “Amen.” [Nhlengeletano yi ku, “Amen.”—Muhleri.] Ma ri rhandza Rito ra Yena

xana? Mi nge, “Amen.” [“Amen!”] Ma xi rhandza xivangelo xa Yena xana? Mi nge, “Amen.” [“Amen!”] Ma wu rhandza Miri wa Yena xana? Mi nge, “Amen!” [“Amen.”] Kutani, mi rhandza un’wana. Amen! Hi swona sweswo. “Leswi swi ta endla leswaku vanhu hinkwavo va swi tiva leswaku mi va dyondzisiwa va Mina, loko mi ri na rirhandzu eka un’wana.”

Sweswi ndzi tlhandlekile mavoko eka swidukwana leswi, loko mi fanele ku swi kuma ku nga si va vusiku.

<sup>207</sup> Ndzi ta kuma Makweru Richard Blair... Xikwembu xi hlamula xikhongelo xa yena, yena na makwerhu lahawani, a va ri eku khongeleni siku rin’wana, ku vuyisela endzhaku xijahetana lexi xi nga tshama exikarhini xa hina, lexi xi nga eku hanyeni, hikokwalaho ka ripfumelo eka Xikwembu. Sweswi ndzi ta va na yena leswaku a ta hi tshuxa hi rito ra xikhongelo, ntsena xinkadyana, swingaleswi hi ta kota ku tlhela hi vuya nakambe ni madyambu.

Ntsena i kwalomu ka ntlhanu wa timinetse ku bile khume mbirhi, kuya hi wachi liya. Kutani ndzi mi lava mi tlhela mi vuya ni madyambu, loko mi ta swi kota, loko mi ri kwala kusuhi. Loko mi fanele hi kuya ekaya, i ngaku Xikwembu xi nga va rivilo ra n’wina endleleni ya n’wina, xi tlhela xi mi pfuna, niku misirhelela. Loko ku ri hi leswaku mi ta sala, nakona mi lava ku sala, ma amukeleka ku sala. Xikwembu a xive na n’wina sweswi.

Ku kondza hi hlangana! ku kondza hi  
hlangana!

Ku kondza . . . (a hi N’wi yimiseleni  
mavoko) . . . hi hlangana enkondzweni wa  
Yesu;

Ku kondza hi hlangana! ku kondza hi  
hlangana!

Xikwembu a xive na n’wina ku kondza hi  
hlangana nakambe.

[Makwerhu Branham a sungula ku hama *Xikwembu A Xi Ve Na N’wina*—Muhleri.] Yaleyo hi yona ndlela yo huma endlwini ya Xikwembu, hi xikhongelo, niku titsongahata, hi ri karhi hi tshembha leswaku hi ta hlangana nakambe madyambu ya namuntlha. Loko swi ngavi tano, “Xikwembu a xive na n’wina ku kondza hi hlangana nakambe!”

A hi korhamiseni tinhloko ta hina sweswi. Makwerhu Blair.



*KU RINGETA KU ENDLA NTIRHO WA XIKWEMBU*  
*KUNGA RI HI KU RHANDZA KA XIKWEMBU* TSO65-0718M

(Trying To Do God A Service Without Being The Will Of God)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mawuwani 18, 1965, Branham Tabernakele eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
P.O. BOX 178, SOMERSET WEST, 7129 CAPE PROVINCE,  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangelu ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)